

甘宁青史略

甘肅青史略卷十七

明懷宗庚辰崇禎十三年清崇德五年

春李自成由階入秦尋犯階州參將柳應時擊走

之應時用火攻逐之賊走去

夏五月靜甯州土寇偏起

州編樂十里賊一諒為首糾合數千人圍聚界

六月全甘大饑

人民十死八九慶陽飛蝗蔽天落地如岡阜

秋八月階州生番叛誘殺守備李志忠參將柳應時剿平之

九月流賊竄慶陽

冬十月囉賊寇掠清水境知府喬遷高追斬之

十二月闖賊李自成陷甯州謁孔子廟

初賊將韓登等率眾數萬圍甯州月餘知州李用中與士民堅守得以保全至是來攻

城遂陷自成入城時城頭駕天橋曰真龍不穿洞也甯州學宮建築雄偉為慶郡六屬之冠自成入城即謁廟時有生員趙姓者在文廟避賊自成見度其不免即冒險出為自成

唱禮如儀自成大悅即任為慶陽府知府
死後葬魚池山至今猶呼為賊知府墓云

慕壽祺曰大哉聖人之道凡有血氣者莫不尊親非惟學界為然也雖寇盜亦有時而敬
禮焉自成入雷州他務未遑首謁大成殿行跪拜禮蓋其心目中猶知有聖人在不甯惟
是自成嘗過米脂以金子知縣邊大綬請修文廟所謂盜亦有道者非耶今孔廟
遍天下繼自成而起者不惟不敬孔子又從而毀其宮牆斯又自成之罪人也

己十四年

清崇德六年

春流賊寇秦州

賊寇秦州西關賂州役柴羔為內應事洩會大風雨
貢生李芝率民兵逐之尋誅羔時清水張家川民胡

景龍等聚眾數千人作亂知府喬遷高
誘殺之攻其黨於任家堡賊眾悉平

靜甯州土寇復起知州陳翼招撫之

賊搶掠村堡
民不安厥居

流寇陷合水縣城

先是崇禎四年二月二十五日流寇神一奎劉六子等夜半至合水從
北城入殺戮甚眾五年知縣施喬枏招撫復喪七年過天星賊十萬圍

慶陽三晝夜總兵曹變蛟領兵從南殺入斬賊首數千圍解城迎飢民死無數是年正月
內流寇賀宏器齊三詐等率眾萬餘卒至合水城下防軍沈應時郭一學斬獲渠魁三詐
等百餘級走之二月十五日黎明時賊又至以火攻城拒禦無人賊蜂擁而入殺戮之慘
更甚於四年人民星散止餘空城由是縣治遂廢官廨民房蕩然無存劫餘黎庶窟山谷
間荆榛滿目虎狼為
穴前後二十餘年

是歲羣番謀犯肅州巡撫甘肅呂大器擊走之

初大器由關南道參議遷固原副使巡撫丁啓睿檄大器討長武賊用穴

地火攻法滅之十四年擢右僉都御史巡撫甘肅勅總兵官柴時華不法解其職立遣副將王世寵代之時華乞兵西部及士魯番為變大器令世寵討敗時華及西部時華自焚

死塞外爾遜尼黃台吉等擁衆乞食謀犯肅州守臣拒走之大器假貨稿名毒飲馬泉殺其衆無算

壬午十五年

清崇德七年

春西甯番族作亂總兵官馬護督諸將五道進勦

斬首七百餘級撫降番三

十八族而還

夏四月靈州鎮原莊浪等處田鼠食禾幾盡

六月以蘇京為御史監廷甯甘固軍

京起自知縣邊情多未悉

以右僉都御史林日瑞代呂大器巡撫甘肅

日瑞字浴元詔安人萬曆中進士至是巡撫甘肅時省城在古州

秋七月流賊一斗穀圍攻清水縣城三日不克而去

冬十月賊許申陷鎮原

環縣賊許申攻陷鎮原城屯衆七晝夜搜掠俱盡總兵馬某受賊賄接兵不戰王老虎復大掠而去

癸十六年 清崇德八年

春滿清兵至賀蘭山

滿洲佐領褚庫隨都統噶達理征鄂爾都斯
領營多爾濟於賀蘭山俘獲甚衆先是崇德

六年七月石廷柱條上因錦州策略謂近聞喀爾喀扎薩克圖聲言取歸化城恐陰欲取
鄂爾都斯臣擬令鄂爾都斯移過黃河與歸化城相近彼此策應仍應簡才勇將士攜取
火器並馬餘手百人往彼駐守令王貝勒率兵從宣大諸處進略應州雁門歸化城有警
輕騎倍道赴援彼明國援遼士馬所恃不過宣大陝西榆林甘肅甯夏諸路西省有變自
顧不暇豈能復援遼哉清廷可謂有人矣

顧不暇豈能復援遼哉清廷可謂有人矣

案滿洲本曰滿住乃文殊之音轉以佛名爲名也明之中葉有建州衛酋長李滿住者由
朝鮮咸鏡道移居興京其後清太祖統其部落以滿住爲尊號是爲滿洲汗至太宗始以
滿洲爲部族之名旋又用爲國號崇禎十七年清聖祖章皇帝定鼎燕京至雍正初派滿
兵駐防甘肅凡三處曰甯夏曰涼州曰莊浪各建新城以居之是爲甘肅寄籍之滿人歷

年既久多與漢族同化

嘉壽祺曰清太宗志吞明社先服高麗琉球與武侯欲伐中原先擒孟獲手段略相似腹
背受敵明之亡國豈待甲申哉當是時李自成窺陝甘癘疥之疾也清太宗在遠瀋腹心
之患也懷宗視遼東爲細事而皇皇焉日劇流寇以
致滿兵至賀蘭山則甯夏邊防之虞始可知矣

夏四月以陝西提學汪喬年

字遠星天啓壬戌科進士

總制三邊

喬年山東萊蕪道視學案中
以儉率諸生章履盡布素校士

汪總制逸舉罕
所紀述毛先生
訪之於老儒退
及行進來不
謀面之人可以
知汪公之大略
矣

必焚香告天故拔置盡一時寒士旋任三邊總制有井姓者為陝西提學時人為之語曰
有學莫忙須待汪有錢莫省須待井至今關隴父老猶傳誦之喬年任總制未數月奉命

赴河南流寇
陷襄城死之

案毛際可紀總制汪公逸事云黃州赤壁有八十老翁舊為公部曲者曰公任三邊總制
赴援河南師次襄城刃既接大帥賀人龍等久蓄異志皆潰去公孤軍守城賊圍環匝號
數十萬百道攻城公登埤坐矢石間隨機以應殺賊數千人賊憤甚左右泣諫曰衆寡不
敵盍自為計公怒奮拳折其一齒無何城陷猶手刃三賊被執公罵不絕口賊割其耳鼻
磔屍而去襄人建忠烈祠以祀近常州陳玉璫
嘗記李順父回從同公遇難事與具言相符云

冬十月李自成遣偽總兵牛成虎陷甯夏義民王風水等圖恢復事泄被殺

檄至甯夏慶藩宗屬及紳士集慶邸議降有鄂德者排闥入灑淚中大義曰諸公皆欲
竇城自全獨不為王計乎衆不聽及賊將牛成虎牛成龍陳之龍據甯夏肆殺戮人民憤
甚有王風水者與指擲彭凌雲等十三人糾合山後蒙古舉義時指揮李學牧在甯夏牛
成龍入城後知其技勇曾授以官不應已而與王風水謀殺賊單騎往召河東人共起事
又有馬負圖馬呈圖故總兵馬世龍子兄弟也約其表兄彭姓與
承襲都指揮吳繼綬圖恢復事泄皆被殺生員保國壁亦死焉

十一月李自成遣別將劉宗敏屠慶陽知府段復興一門死之

復興陽毅縣人進士以是年二月備

趙本植清初任
遼陽府知府

兵於慶承凶儲積弱庫無宿儲枵卒四起軍衛頹敝滿卒不滿千人復興張毅文武治具
尙為持久計未幾督師保傅庭兵潰潰三輔糧沒四面環布音聞斷絕勢益以孤至是
聞寇李自成命其將劉宗敏以五萬人寇先遣降將白廣恩誘說城下吏民憑堞爭語
之賊環城急攻復督戰一晝夜親冒石矢賊死以數千計自成少為劫賊過慶當悉其險
慮師久頓傳檄宗敏遣使未至前一日奸民馬天驕楊廷藻賊餌以爵夜縋賊入關黎明
賊自交衝發砲張織以進守陣者惶怖駭數復勇坐北樓呵止之未幾城陷隨一值一卒
入署踰啓太夫人掖之登樓妻妾四人俱自縊積薪以焚擇一婢負復與幼子避民舍復
與召之曰吾奉太夫人死命而以子免人其謂我何於是子女俱赴烈焰太夫人亦自死
於火復與北向誦國竟徐起曳衣持劍步自北門遇持不賊二人格鬪殺之賊益衆
又迎擊斃其馬上一人遂死戰死三日郡民識復與尸遂環泣含槍以葬其時練兵營
都司周嘉彥復與愛將也驍勇善戰人呼之小將城圍復與使守北門
賊入嘉彥單騎大呼巷戰良久手刃數十人酒痛哭殺所乘馬自刎死
附錄趙本植中段公殉難詞謂者滿江紅其詞曰寇起黃巾誰孤守金甌無缺款一旦捐
軀為國濟陽人傑長較縱橫殺盡薄短驅突揮淵日奈奸民延敵已開關冲冠髮母死
義妻死節烈火焰飄風殺更關門數口兼搗玉折夜夜城
烏啼墓草年年精衛流丹血看靈旗斜颺塵譙西猶嗚咽
又甲段公偏裨周嘉彥戰沒於慶陽北門仍用前詞其詞曰奮勇當關說三輔紛紛殘缺
料只有男兒南八素稱驍傑瘡痕未盡毒蟲擊電矢攢蜂蛸光滯日惜一身力竭倍難支結
縷髮畢吾志完吾節賊士沒狼機發念公乎何往灰飛骨新擊
賊恨回頭魯尚填胸淚比蓼宏血對城頭暮角起悲風陰靈咽

右軍都督府同知副總兵魯允昌上書言事不報

連城土司魯允昌世襲指揮僉事崇禎九年陞參將分守莊浪逾年

陞副總兵協守西甯全是聞李自成據陝西僭號設官秦鞏震搖知蘭州孤危戰守均不可恃亟上疏請勅肅藩渡河保甯涼甘肅以圖恢復不報

案慶陽府志賊退十民葬復興衣冠於郭外後之人設祭憑弔其上名曰段公墳初楊

天寵守慶陽時安化縣吳某請於段復興死所建祠以祭尙有老幹劉餘佑曾列復興門

牆連其死難事最詳聞者高其義遂立祠北門即復興殉難處也至雍正己酉歲知府卜

瑗謁其祠而修復之工所費以三君子善斲司李聖居在籍太史麻信都司周嘉彥莫

不忠義奮發與

復興有同心焉

慕壽祺曰崇禎十七年李自成攻甯武總兵周遇吉奮勇力戰賊爲之奪氣後力絀而死

自成歎曰使守將盡如周將軍我安得至此復興守慶陽其事正相類使城守者盡如復

興則自成之禍當不至若是酷也太史公曰死有重於泰山如復興守慶陽常

山之願臬卿睢陽之張將軍不是過也而又一門忠烈其使人激厲更可悲矣

李自成遣將賀錦陷平涼韓王秉堦被執不屈死之

初孫傳庭守潼關聞賊西竄議出征秦民苦累已極即

鎮原小縣一月之內要牛五十頭沙氈百條糧袋百口往返解送使費日甚

恐是歲冬十月傳庭出關一敗遂至瓦解降賊王老虎駐鎮原及西安陷復叛聞平涼走

空乘機率衆圍攻歷半月城未破賀錦未至之先有牌到平涼以安民爲名馬步二十四

萬勢甚凶猛紳民惶恐知不敵議降及賊兵壓境全城設香案出迎王老虎亦降是日白

虹貫日韓王及襄陵王不肯降遇害時賊將兵馬衆多大肆搶掠逼護婦女投井者無算

案襄陵王者冲焮憲王第二子有至性母病刲股和藥病良己及卒終喪毀瘠每展墓必率子孫躬舂鏹培塚先後置書褒美者六子範址服其教母荆罹危疾以刲股進之愈其

後五世同居門內雍肅嘉靖十一年賣以羊酒文幣韓諸王以襄陵家法爲第一至是賊陷平涼與韓王同死

案鎮原舊志癸未冬十月知縣朱詭壽因公赴平涼圍賊將進城時匿花窖中作平涼開門迎降詩其辭曰天心不奪因人事莫能補敵卻故君恩咸投新來主香煙迷道路先驅

爭負弩不啻草隨風豈真早望雨只願身與家免致遭戎斧豈知鳥合儻號令少律矩逼迫及婦人拷烙誠毒苦十室九家空搜山真似虎嗟手命多蹇避鋒藏穴士卒之禍終摟

狹路逢賊虜挾刀問金銀揮條鞭背股尙賴殘生存抽薪魚出釜赤身臥士林渴饑無所取往來索問頻忿氣含胸肚戰戰十日問兵民稍安堵收理殘家具吞聲不敢撫可憐錦

衣人一朝盡濫縷榮枯幻夢場倏忽成今古一派新官儀無復舊旗鼓街道相驅馳縱橫皆賊伍潛身走鎮原閉目不敢睹回思賊中情凜凜舌還吐

賀錦陷隆德 錦入城下令曰兵入民室者斬

靜甯州知州陳曼以城降流賊 州民初聞隆德陷驚怖謀遣人輸款後聞賀錦軍令甚嚴擁知州陳曼迎降由是降者日衆

流寇攻安定久而城陷知縣鄆應翼邑紳劉耀龍死之 耀龍安定故家子由舉人官河南開封府同知聞流

寇猖熾乃乞骸骨歸至是驚報日聞與知縣鄆應翼共城守死初賀錦以得勝之師攻安
定城不能克將舍而之蘭州適錦子過城下一人以火彈擊之死錦怒攻益力奸人內應
開門降應翼不屈賊縛於柱鞭之血濺城磚罵不絕口賊殺之耀龍聞城陷衣冠死家廟
中初安定庠生王保民當賊攻城時號於衆曰協心堅守賊進城無噍類矣率諸子姪力
戰三晝夜兄保素弟保貞子敬俱庠生一時同被賊刃姪孫宏殺射殺二十餘賊賊多
之入城碎其屍同時監生陳周鼎庠生石瑄高朝鳳罵賊不屈死康維新李洲楊毓秀陳
周瑞陳周哲俱墜城死楊中葵巷戰死劉翹名楊九儀王爾薛三戒楊道泰與保民同讎
守城者賊指名審訊皆不屈被殺義民柏張問行孫印子應泰張一才張懋齡李太昇
王臣竭力捍守手
办多賊俱被殺

流賊攻通渭陷之

賊環攻通渭官民固守越七日夜賊暨雲梯自西南隅登城遂陷士
民不屈被殺者四千餘人賊至馬營監買有鵬守禦力竭而死又有

杜道玉者挺戈迎擊於
四峴山被賊斫足死

案馬營監在通渭縣西與定西接界明正統間創設馬政割爲牧地始置安定苑統於平
涼苑馬寺其城池學校春秋廟祀規模如一縣然嘉靖時復設圍長二員後升爲監設監
正有學額八名應平涼試康熙元年苑寺奏馬政滋弊監遂廢三年裁入靜甯州五十七
年地大震城池俱陷遂以馬營爲衙署後縣城工竣復歸通渭乾隆四十九年因同變福
康安由馬營進兵
征剿始設營汛

又攷靜甯州志安定監卽馬營監本鞏昌府通渭縣之大華川前明定馬政割爲韓溝牧地初置安定苑城隰北山麓並東西關爲三城與長樂靈武二監廣甯開城黑水清平萬安武安六苑並統於平涼之苑馬寺領軍四百二十七人原馬並駒三千五百六十九匹嘉靖間馬並駒猶存二千九百三十五匹牧圍長二員後升爲監設監正教諭各一員清初因之其後馬政滋敝康熙元年苑寺遲某題以河西民力已竭等事奏革牧圍報可於是諸監並廢二年裁歸安定監於靜甯州仍其故名凡六營曰中營曰稠泥營曰石峽營曰原川營曰衙門營曰雙井營別號總爲馬營云東二十里至鎮龍川接通渭縣界南十五里尖崗山三十里至第三鋪接通渭界西三十里至蟾毋山白馬廟接蘭州衛之牛營界北四十里至蒸餅山索駱塔接會甯界在靜甯縣州治西南一百八十里

李自成遣賊帥袁宗弟劉體純取秦州本府通判朱廷璋署州事死之

是月也流賊牛

鎮守等敗反以勦萬人攻清水縣城十五日不克去之

李自成別將破臨洮副將歐陽衰死之

自成遣將犯臨洮總兵黃應選棄城遁衰誓死守奸弁有獻城者衰閉妻孥十餘口於寓

縱火焚之父子巷戰力竭被擒見賊首賀思賢等其子有懼色衰大呼曰吾兒不可爲賊屈因握其子手罵賊不絕口賊殺之頸斷而手未分

總兵白廣恩走固原

廣恩降將也性鷙鷙不奉約束上命隸孫傳庭麾下辦賊至是李自成攻潼關廣恩力戰而高傑不救既敗走固原爲賊將追及遂

以城降

賀錦破蘭州肅王議鉉及宗人妃嬪皆遇害

議鉉憲王紳堯子萬曆四十二年封世子天啓元年襲封好詩文精書畫所鑄

淳化閣帖世爭寶之至是李自成遣將賀錦陷蘭州王及宗人皆遇害

案肅莊王朱模太祖第十四子洪武十一年封漢王二十四年改封肅王於甘州建文元年內徙蘭州永樂十八年薨諡曰莊子瞻焰嗣薨諡曰康子祿坤嗣薨諡曰簡子貢錄嗣

薨諡曰恭子靖王未封薨子弼統嗣薨諡曰定子縉炳嗣薨諡曰昭子紳堯嗣薨諡曰懷

無嗣靖王之孫州柿子縉續以輔國將軍理府事尋准封薨諡曰懿子紳堯嗣薨諡曰憲

子識鉉嗣國寇入城遇害

案明史肅藩世守蘭州子孫命名太祖賜以瞻祿貢弼縉紳識烈忠曦陟躋當運凱諫處

恆隆二十字諸子封郡王世子襲木封諸子及孫曾遞授鎮國輔國奉國將軍四世五世

孫遷授鎮國輔國中尉六世以下皆奉國中尉官與有明一代相終始王雖不親民事而蘭州有大工役及旌勸之舉亦時出金帛相助及國亡人多惜之

總督左宗棠於清光緒初為督署後園烈妃廟記明建肅藩蘭州崇西陲也崇禎十六年

李自成遣賊陷蘭州執肅王識鉉不屈被害次年明亡方賊之陷城也肅王妃顏氏趙氏

顏氏嬪田氏楊氏倉卒率宮人二百餘山園上北城將投河希賊追爭顏氏遽以首觸牆

先王所書碑死諸妃嬪宮人勿斃縊斃自縊斃頃刻立盡賊退邦人棺殮諸妃嬪瘞諸宮

女

太祖所頒名
宗共二十字
今致者十九
字耳

於山丹水昌
鐵器皆降

人作大家園北維時郡縣官吏王府僚佐或死或遁無以其事上聞者國初關隘開隔易性之際勝朝遺事晦伏不章嗟嗟諸妃貞魂烈魄足立人紀光日月矣僅賴志乘數語存其姓氏二百餘年無過問者遺阡故在節署後園中灌莽翳塞又少游人過客相與吟咏其間者再數十年恐遂無有能舉其事者矣余持節討回軍事漸定暇時徘徊園中立石大家旁表曰貞烈遺阡南數武即舊延綠亭改題烈妃廟外主以祀命衛官月朔薦香醴妥之一日上北城過肅王碑見烈妃所自碎首處血痕噴瀝團潰鏡注軍士告余天陰雨漏其痕視常日加明精誠所至金石亦開曷足異也遠望賀蘭俯瞰大河山不波河不湮奚此阡而獨紀乎

慕壽祺曰聞之父老云賀錦犯蘭州州人聞靜甯迎降賊未嘗妄戮一人遂開門拜降於馬首賊突入肅王府變出倉卒肅王識鉉走匿邸東山子石波執幕僚二百餘人由邸園上北城避之須臾賊至大索二百餘人無一免者今督署北城隈相傳即王府諸僚殉節處今已二百八十餘年矣而大冢巍然在瓦礫榛莽間時露白骨莫之恤也嗚呼蕭蘭共玉石俱焚計當時王府賓從不乏儒雅之彥而皆同赴虐餒並其姓字官職不傳不可悲也已

賀錦渡河而西莊涼望風降附
莊莊浪也即今之永登縣屬涼州管轄時賀錦兵勢洶洶所至之地如泰山壓卵莊浪涼州望風請降連城土

魯司允昌慎極盡散金帛於將士提所部七兵退守西大通

十二月以余應桂總督三邊收邊兵勦賊
時甘州尚未失而大勢已去應桂不能進

賀錦陷甘州巡撫林日瑞總兵馬燠等死之

賀錦進逼甘肅日瑞聞賊至急結西羌嚴兵以待自率副將郭天吉等扼請河

于十二月賊踏冰過直抵甘州城下日瑞入城戰且守大雪深丈許手足皸守者咸怨奸人遣降夷居城中為內應乘夜坎雪而登城陷日瑞被執誘以官不從賊怒磔之屠甘州

殺居民十四萬七千人總兵官馬燠副將郭天吉中軍哈維新姚世儒同知藍臺鄉官羅後傑等同死

案甘州志馬燠山西蔚州人故總兵馬芳孫也以天津總兵移鎮甘肅十五年督兵破叛番斬首七百餘級撫安三十八族而還其冬督師孫傳庭以檄召不至疏劾之帝令察燠

堪辦賊許戴罪圖功否則賜劍從事比至軍復以逗遛淫掠再被劾帝仍令戴罪自効尋使屯商州防寇北犯傳庭師覆還鎮崇禎十六年冬賊黨賀錦圍甘州燠與巡撫林日

瑞協力同守城陷死之副將郭天吉善射時號郭神箭累射殺賊其衆天吉等河干失守歸保甘州城破其父沒於賊天吉歸殺妻子女一僕負幼子逃天吉自殺

慕壽祺曰自有史冊以來盜賊之暴橫未有甚於李自成者也自成侵掠隴東鎮原首當其衝其被禍為尤慘余鎮原人也鎮原之北有大小房山與環縣接壤父老相傳自成為

左光先曹變蛟所做率殘卒走環縣輾轉入鎮原境於此嚙聚亡命勢復振又嘗過孟壩鎮有知掌故者告余曰此明之西壕寨也崇禎九年三月自成敗官軍於此而鎮原遂陷

沈沙折戟鐵猶未消相與摩挲者久之夫盜賊之禍明代所恆有永樂中唐賽兒倡亂山東厥後乘瑕弄兵頻見竊發然皆旋就撲滅武宗之世賊寇蔓延與崇禎初無異而卒以

掃其故何哉善孝武時人心固嗣派安雖以武之童昏亟行稗政而本根未撥委任得人邊遠如甘肅亦大有人在彭澤盜寇於四川仇鉞奏功於甯夏又有王瓊為之相陸安為

之將跳梁小醜其何能爲以故危而不亡懷宗非亡國之君而當亡國之運又乏救亡之術卒致宗社顛覆徒以身殉悲夫嘗求其所以亡國之由則以求始太急布令太煩進退天下人太輕故有人而無人之用其辦流寇也爲閫帥者事權中制功過莫償敗一方卽戮一將墮一城卽殺一吏賞罰太明而至於不可爲制馭過嚴而至於不能制益以饑饉洊臻萑苻蜂起軍不能勦專務撫綏一誤於楊鶴再誤於陳奇瑜三誤於熊文燦關隴重地無一片乾淨土矣此明之所以失天下也其尤足怪者崇禎三年以給事中劉懋議裁驛站時則自成猶爲銀川之驛卒也使驛不裁一匹夫而已山陝游民仰驛糴者旣無所得食尙何事之不可爲乎兵部郎中李繼貞恐饑民將盡爲盜請以帑金十萬振之懷宗不聽此機一失燎原之火不可撲滅矣夫自成屢瀕於危而終不死者能用文人言聽計從此其所以亂天下也十三年十二月河南杞縣舉人李信與山西廬氏縣舉人牛金星同時往投自成自成大喜改信曰名巖巖從造謠詞曰迎闖王不納糧使兒童歌以相煽從之者日衆自成遂稱新順王後集牛金星等議兵所向牛金星請先取河北直走京師楊永裕請先下金陵斷燕都糧道從事顧君恩曰關中大王桑梓邦也百二山河天下三分之二宜先取之建立基業自成從之是年冬十月遂陷潼關走榆林乘勝取甯夏屠慶陽陷平涼執韓王稟虜下蘭州肅邸戰敗而死賊將賀錦渡河而西攻甘州至十二月晦城陷巡撫林日瑞等死明年又攻陷西甯於是肅州等處皆降自成未幾遂有三月十九日之變明社將墟非人力之所能挽回矣

慕壹祺曰明設甘肅巡撫駐甘州是卽省城也河西四郡皆爲其所屬當是時蘭州陷涼州降而西甯肅州無恙也甘州被圍日久始失之游偵不以時繼失之鄰封不相救流寇

抵城陷陳卒陷甘州屠之肅州與西甯亦同歸於盡
西陲失而明社墟矣嗚呼天爲之截抑人爲之耶

附錄天山雪傳奇

清順治時作紀明末流寇陷甘州事跋

郭人鄰

林公勁爽馬公英千億生靈百二城夜半天山飛玉滿血光已映雪光明

闖王部下左金玉

賀錦父名珍

豈敵金城帝子閫若使防河埋勁旅黃巾爭教渡

姑藏

西涼戰壘最崢嶸弱水何曾有弱兵七覆未教藏峽口點番潛引豎降旌

文人獻策武彎弓婦女知方賦小戎爭奈歐陽占數定居延瀨氣撼蒼穹

白眉忠胄慨無聊

馬廣文義瑞填譜即殉節馬總戎令子也

管領千魂控九霄恰喜中丞有小阮杏

林倩女咏桃夭

同保危城効匪躬憫忠祠畔繼孤忠趙羅怒氣冲井鬼燬廟偏遣王總戎

王公

汝金守城自刎賊焚其廟網
憫忠祠全家俱燬傳遠之

長刀無計砍長鯨
鴆毒還思做吉平
與犬與臣神自若
櫻兒不寫費醫生
君

國典毒賊被
屠亦佳據也

八聲變徵譜甘州影涉橫排西水流四萬七千攢結草陰風颯颯擁貔貅
史明

賊屠四萬七千人或
云七萬屍與城平

案史懷宗名山檢熹宗弟光宗第五子初封信王在位十七年改元崇禎初即位抱大有
為之志向使任用得人當時如熊廷弼盧象昇袁崇煥諸賢俾盡其才未始不可轉危為
安乃卒中於疑忌忠盡之臣屏斥殆盡遼東半壁盡入滿洲益以流寇充斥甲申三月關
賊陷北京帝殉社稷世稱為愍皇帝又稱為莊烈帝未幾滿洲入關逐闖賊定鼎燕京遂
以崇禎十七年為清太
祖章皇帝順治元年

清

甲申 順治元年
明懷宗崇禎十七年福王由崧
弘光元年是歲清定鼎於燕京
春正月賊攻陷連城土司魯允昌死

之 允昌遇賊西大通力戰賊憚士兵名稍卻之其家奴有降賊者告以無援賀錦攻之
猛允昌以衆寡不敵退守連城賊亦進攻城陷縛允昌於大門前勸之降不應還索

財物復不應以刃挾之允昌笑而大罵至死

罵不絕口時崇禎十七年正月十六日也

西甯土官祁興周執僞將軍魯文彬殺之

先是崇禎十六年十二月為方與齊之
震副將軍魯文彬擾西甯至是為與周所

殺與周土司祁德孫也與父廷諫指揮使職弟隆周崇禎末流賊破關中掃風靡河西

一帶咸為賊有次及滄中廷諫呼其二子密計令生員胡璉器約莊浪土司魯允昌中

番呂完冲及軍民之効義者殺血訂盟以厲氣守城賊偵伺之不敢犯者月餘會為將軍

魯文彬率賊衆至平濠重圍曲示招來好黨中變而城危矣廷諫聚眾泣告曰事勢至此

有死而已與周曰國家豈養之恩報在此時兒等當以死戰求濟遂合申

中完冲土官祁國屏等推璉器為參軍以兵趣攻戰酣手斬文彬並其黨

案西甯府志明土司祁貢哥星吉元甘肅省理問所官明洪武元年歸附授副千戶世襲

卒子鎮南於永樂四年襲職以功陞正千戶卒子賢於永樂十八年襲正千戶職宣德元

年以功陞指揮使卒子英於景泰六年襲指揮使職卒子登於弘治四年襲職卒子鳳於

正德三年襲職以功陞任守備洮州地方卒子恩於嘉靖二十九年襲指揮使職無嗣以

弟德繼之於隆慶六年襲職以功

歷陞西甯副總兵是為與周之嗣

案福王明神宗孫福恭王常洵子名山崇禎十六年襲封福王甲申三月卒自成陷北

京莊烈帝自經時鳳泗巡撫馬士英得北中消息崔魏黨阮大鍼又先竄身福邸中蚤夜

密籌計挾劉澤清高傑黃得功劉良佐為援約從既定方以書示大司馬史可法可法答
書有福邸三大罪五不可立之議士英大鉞得書執以為可法後日罪案五月朔日以四

鎮兵擁福王南下即位金陵稱號弘光順治
二年五月初八日清兵克南京福王被執

明固原副將武大定入秦州指揮于光耀等擊卻之

故明副將武大定突入秦州
東勝指揮于光耀守備諸蛟

事民兵巷戰大定敗走追擊出之別將高有功復以數萬衆圍北城
光耀發大礮殲斃甚衆有功披靡遁去抵三陽川番家城攻掠村堡

白廣恩以原降闖固賊

先是十六年冬十月闖賊入關大掠三秦州縣是年正月壬寅
朔自成稱王於西安僭國號曰大順改元永昌以真甯鞏熿為

禮部尚書又降將白廣恩自潼關
敗走固原為賊將追及遂以城降

三月流寇袁第宗入鞏昌

賊陷鞏昌邑紳溫元春等起義被戮城幾屠隴西民張傑
倡義魯班山相依附者以萬計賊圍數月破之皆遇害

賀錦破西甯祁興周復擊錦於南川伏羌堡殺之

錦自甘肅大擁蟻衆來犯西甯生
員胡璉器急策於興周曰賀賊驍

勇兼我寡彼衆可以智取不可以力敵也時令番人誘賊入重地絆以馬索或以陷防既
仆賊斬之殺錦并賊黨數千湟中快之然賀賊雖死餘黨益熾以滅賀之舉由於祁氏攻
土司祁廷諫係累以去廷諫之子與周語其弟肇周曰吾父子兄弟咸死無益曷走青海
乞兵以圖復仇肇周曰兄適外乞兵父及於難我不可不奔也至長安與周乞兵而出適

總督孟喬芳至賊四潰撫定三秦廷諫歸附以功授世襲指揮使與周襄職有功勞順治十年陞官大靖參將胡璉器西甯人

案伏羌堡在西甯南五十里牛心川一名南川營宋徽宗政和七年春夏人圍丁星原詔築伏羌制戎等城為備明神宗萬曆十六年湟州伏羌堡東南夜聞甲馬聲蓋邊疆之

要地也

慕壽祺曰賀錦入甘以來由涇州至肅州橫行二千餘里攻城陷邑長驅直進無人敢與爭鋒及至西甯為土官祁興周所敗豈土兵之果勝官兵哉昔范仲淹領慶州奏言守以土兵則安守以東兵則危自古兵馬精勁西戎之所長也祁士司所部之兵與西戎比鄰而居風氣所濡染能吃苦耐勞况賊已深入各有性命各有身家桑梓觀念深義所當為奮然而起不似官兵之徘徊觀望坐失戎機也李自成既敗於前賀錦復敗於後番地用兵誠不易哉

乙酉二年明福王弘光二年唐王聿鍵隆武元年春正月南政府定北都從賊諸臣罪真

甯進士鞏焞應斬秋決精與周鍾等四人俱處二等罪

案鞏焞陝西真甯縣人明崇禎辛未進士有文名與賁生鞏備盤修真甯志僅二卷後官河南督學兼參政僞順李自成聞其名劫至營中用為僞禮部尚書時崇禎十七年春正

也月

幕壽祺曰自燕都失守江左偏安柄國羣狐方營苞直漁弊伎樹朋黨外則強鎮環列擁甲以嬉識者早知其不可為矣惟處分從逆諸臣雖以登楫之在陝西亦科以相當之罪君子猶有取乎善賞罰嚴明固立國應有事也而久暫則所不論焉

夏四月肅王征秦隴 清和碩肅親王家格帥兵征秦隴清水縣知縣丁國昌迎降參將王元安撫秦州

幕壽祺曰明季二孽四訖遂移神器秦隴之間無復淨土欲其撲滅難矣哉及肅親王平西蜀賊首張獻忠死破竹之勢已成奏隴望風歸順又何其易也亂極則治殆即此時也乎歲甫再周而甘州丁國棟又以革命起矣

六月英王招撫河西 英王濟自陝西紹德旬月之間三秦底定乃遣人招撫兩河河西諸郡聞風歸附

幕壽祺曰自古得天下者以西北取東南未有速於清世祖者也當是時明社既墟人心已去流寇劫掠百姓倒懸王師所據如履無人之境是年春王師復下揚州東南遺孽次第殄除南平楚粵東南平浙閩西安巴蜀迹其用兵從入之途蓋全恃河南陝西耳孟喬芳之來甘肅其後焉者也

以孟喬芳總督陝西三邊軍務 是時天下多未歸附人心不靖以喬芳為兵部右侍郎兼右副都御史總督陝西三邊軍務於是四鎮入府文

武官民俱就招撫

案奉天通志孟喬芳字心亭奉天漢軍鑲紅旗人順治二年總督陝西軍務節制文武二邊四鎮八府官民俱就招撫帖然安堵勦除逆賊賀珍胡向宸孫守法馬德等餘寇悉平以老病乞休加少保兼太子太保馳驛回都卒諡忠毅崇祀京師賢良祠

墓壽祺曰一代之興必有一代之人才明崇禎十六年冬錦破蘭州全甘糜爛自喬芳至始入版圖時寇盜充斥喬芳詠逆撫順師行到處民皆安堵大小數十戰皆躬自督陣底定雍涼厥功甚偉既恢復城池招集流移令守兵興屯以足民食又請豁八府一州積年荒糧嗚呼仁矣然此猶大畝分內當為事也所難能者知人善任麾下所用張勇趙良棟諸人平定演逆收效在戰一

總督孟喬芳平甘州流賊

初蘭賊部將賀錦據甘州置偽官並降人守之踰年率衆侵掠西甯指揮郝廷諫偕子興周拒守約莊浪土司魯允昌申

中族番目完冲等敵血訂盟推生員胡璉器為參軍計議曰賀賊驍勇我寡彼衆可以智取不可力敵遂令番人誘賀錦入重地掘陷阱設絆馬素擒而斬之破賊衆斬數千級嗣賊黨忿怒勢益熾攻獲廷諫繫縲以去興周奔長安乞師進討適總督孟喬芳帥兵略地西陲所至咸降直抵甘州全城歸附流賊四潰匿官舖向無殘孽敵經制粗立

甯夏兵作亂總兵劉芳名討平之

甯夏鎮兵變巡撫焦安民總兵劉芳名斬賊將王一林於預望城翼日復追擊賊於河兒坪擒賊將馬德

磔之餘
黨悉平

鞏昌府學生員張人傑起兵討賊不克死之

時賊將袁宗弟入城張榜通衢鞏昌官民以下皆順之人傑獨類甚時偽直

指使劉達者故巡按御史也日以考校諸生羈縻人心一榜出復營一榜人爭為利無復恢復之思矣人傑則不忘本朝陰與道標中軍守備陳對明崔光祖等奔走約會謀糾合衛弁起兵討賊舉事之始屯於甯遠之魯班山羣推人傑為首領其傳檄有少康以一旅與師楚人以三戶亡秦等語人心感動義氣激昂兵攻城焚清安門已入郭矣而偽府尹王鼎賂偽縣令夏清等為賊拒守不克復調兵圍攻魯班山數月力屈而破人傑對明光祖皆死焉其孀鄭白戶光往四鄭一並有將材一時遇害凡數十人當人傑之死於軍中也妻李氏尙提一嬰兒為賊所獲李語之曰此兒在不便馳驥付汝遠斃吾目不及見矣賊信其言李遂自縊

慕壽祺曰余讀襄武人物志謂人傑性甚木與人無所涇渭然卒能決大義如此豈非烈烈大丈夫哉乃其妻李氏者亦烈女子也可謂相得益彰矣後之赧顏從賊者反以其妻為媒介物如人傑夫婦之死今人鮮不笑其愚然其愚處正我孔子所謂不可及也欲學其愚難矣哉

武大定據仇池肅王討破之

大定由秦州至西和覽仇池形勢慨然曰昔典午中衰五胡亂華楊茂搜據仇池遙奉晉正朔傳國幾二百年我生

不辰欲居此以避亂乃據仇池旋為肅王所逐

案仇池山在今成縣之西和相距各百里其山四面斗絕程尹外自成城郭樓櫓之狀有羊腸盤道三十六迴上有平地方二十餘里田百頃泉九十九源亦名百頃城古為白

馬氏楊氏所居晉太元中楊定求割天水之西縣武都之上祿置仇池郡後魏太平袁君七年改置仇池鎮後復為郡太和中為梁州正始初置南秦州西魏置成州隋大業初置漢陽郡治上祿梁天監五年魏盡有漢中遂滅楊氏城廢至是又為武大定所據

慕壽祺詠仇池山詩四壁山中連望中氣萬千山有路一綿上通翠雲巖是山即仇池滿目草芊芊其初曰團山高處無人煙開者乃仇夷今名賴以傳狀與蛙相似首尾形俱全四周廿餘里其中別有天樓櫓二十四氣象何森然九千四百步地址足同旋鳥道卅六盤梯接凌雲懸東西嶽二門怪石當其前清泉九十九瀉溉百頃田穴深塵不到鹽煮土能煎白馬所居地神魚潛有淵雜詩杜工部賦石宋坡仙其他諸題詠紛紛不記年昔聞楊氏興難敵為最賢晉室轍已東乘間森戈鋌劉曜不能屈假以都督權兵力抗前越難復攻其堅名號雖不正功亦足多焉割劇三百載滋蔓一何延天演紛爭競國步今連運關塞失憑藉煙雲莽變遷隴山林籠最舊習猶相沿葦爾仇池頭亭結白雲鴻泥洞讀斷碣臨風涕漣漣

總督孟喬芳遣土官李天兪祁廷諫等安撫西甯及河西各土司

案西甯府志明祁貢哥星吉元甘肅省理問所官洪武元年歸附授副千戶世襲廷諫前明祁德子順治二年歸附五年授指揮使職七年廷諫子興周以功授大靖營參將十年告休襲指揮使職李南哥元西甯州同知洪武四年歸附授都指揮世襲天兪前明李化龍親侄順治二年歸附十三年授指揮同知職康熙六年天兪子樹襲職無嗣

慕壽祺曰明袁崇煥初以忤魏忠賢去及再起用召見平臺奏言恢復之策不外臣昔年以遼人守遼土以遼土養遼人守爲正著戰爲奇第和爲旁著之說在漸不在驟在實不在虛孟喬芳遼人也其安撫西甯及河西各土司不煩兵力第用西甯上官李天俞祁廷諫等以甘人守甘土以甘土養甘人善師崇煥者矣今則西北多事任安撫之責者不思就地取材而皇皇焉招募客軍於甘肅情形抑何不明乃爾

多十二月武大定撥固原總兵何世元副使呂鳴夏等死之

免征甘肅匠價

前明之末凡國家有大工作輒召匠人值役名曰匠籍清初令匠人折價入官免其應役順治二年免征令各省匠籍俱除爲民十五年令直省匠

價仍照經制征解康熙三十六年因各省班匠戶籍雖入丁已絕猶將匠價攤入地畝征收查會典所載甘肅匠價銀七百六十兩二錢五分現在收銀一十二兩八錢七分因向已編入地丁爲部正款故劃入國家稅

丙三年

明桂王由榔永歷元年是歲福建平唐王聿鍵就執

夏五月階州營官郭志李旺名等叛參將柳應

時會兵殲之

郭志李旺名等以三路兵駐牛頭關禦賊敗逃遂擁兵叛圍文縣舊城不克潘浚霄擒斬郭志餘黨潰遁白馬峪上賊馬聰胡登旺吳起運等內不

自安遂謀叛八月襲文縣舊城據之大肆殺掠中路楊挺上丹堡田自彩姚大文哈南寨李旺名等一時俱叛殺傷人民無算副將侯永甯游擊萬從信參將柳應時會兵攻擊羣

賊悉被殲除

隋州營叛將蔣登雷攻圍隋州上城不克

明將蔣登雷夜抵隋州潛伏下城攻上城不能克遂聯流寇餘黨賀珍衆五六萬及

王可臣兵犯隋州城環攻數月參將柳應時守禦有方前後斃賊於城下者數百

肅王遣固山額真杜雷分兵勦慶陽流賊克之斬賊渠石二等

復徵縣隋州

漢中興安賊渠判文炳康于總郭天星等迎拒肅親王帥大兵擊之斬渠于總等時明副將武大定高如礪蔣登雷石調國王可成周克德據徵縣隋州

大軍自西安進分兵奮擊降登雷國璽可成克德餘潰遁復所陷州縣

哈甯阿追賊至秦州

哈甯阿姓富察氏於順治三年五月隨肅親王豪格擊敗叛鎮賀珍於漢中窮追至秦州賊黨武大定退據山塞山山勢壁立未可

攻我師圍之偽游擊周克德者遣其子來降導我師由僻徑登其守將石國圖爲內應哈甯阿同副都統拉善署護軍統領噶達軍率兵六百破壁壘入賊皆自山道崖下斬殺哈

六月肅王遣兵勦武大定於仇池

肅王率兵向秦州進發時武大定據仇池乃分遣貝子滿達海輔國公哈爾楚渾蒙古固山額真準塔巴

圖魯等率兵搜勦武大定於仇池大定部將石國璽等以所部降高如礪率蔣登雷等迎拒尙書星納罕敗之潰奔據三台山滿達海等據據重圍如礪夜遁蔣登雷王可臣率賊兵二千降遂克三台山

秋八月北地賊掠清水亭子鋪知縣孫鏡率民兵攻之不克千總傅海死之

改甘肅衛軍為屯丁

查會典載順治三年改衛軍為屯丁又改編涼州戍軍為屯丁除免軍名令種屯地向納之草照舊征輸後以轉運過煩折價納銀故曰

屯丁草價其何時折價及每草一束折銀若干均無考現在屯丁草價收銀二十一兩六錢一分因向已編入地丁為報部正款故劃入國家稅

流賊黎馬賀王陷徽州總督孟喬芳遣兵討之復其城

冬十二月賊黨賀洪器等陷甯州

丁四年

明桂王永曆二年是歲冬十月桂王仍還桂林

春正月賊渠賀洪器攻慶陽守道沈加顯等擊之

賊敗遁

時流賊賀洪器等率眾數萬圍攻慶陽守道沈加顯參將曹希冬曹大川南一龍分兵出戰大破賊眾斬首數十級賊敗走宵遁

蒙古暨畏兀兒國都督請給敕印允之

赤斤蒙古都督永柱哈密衛畏兀兒國都督帖木耳卜喇等詣甘肅巡撫張尙求為奏請改

給敕印並乞口糧願照舊效忠納貢蓋於明季入貢
偵竊亂劫去貢物勅印寄居肅州至是始詣尙請求

夏四月令戶部侍郎屠賴率兵勦殺慶陽賊三千餘名

旋招撫各堡並所獲婦女
牲畜甲冑弓矢槍礮等物

初賀珍等倡逆各處響應焚掠幾無虛日至是漸臻甯謐

秋七月階州賊趙榮貴陷文縣

榮貴遣叛將陷文縣據兩城參將吳應科楊相等合兵
攻之賊宵遁是冬復犯文境游擊張學詩率兵堵勦至

下丹堡退歸龍安

八月叛逆馬德糾衆倡亂甯夏巡撫胡全才勦平之

全才由甯夏發兵進勦自豫
旺城追至河兒坪殺賊千餘

殲其渠馬德及李國豪等餘黨悉平

案平遠縣志豫旺故城在縣西南七十里舊屬固原直隸州固原志豫望城宋時與西夏
分界處寶慶元年元太祖取靈州進兵鹽州川命豫王築城於此明成化五年討平滿俊

設平遠所宏治十四年總督秦紘奏設平虜千戶所隸
固原衛今名預旺堡民國初平遠改爲鎮戎屬甯夏

孝女張將軍徇鎮原下之

張孝女陝西鎮原人父某爲仇家所殺女有三弟不能報訟
於官讎家慨以賄寢之凡三訟不得直女憤曰吾誓以死復

吾仇語稍之聞於外讎家則謂此弱女子無足爲也時值明季寇盜紛起李自成遂陷鎮原守令皆降賊獄事益緩既而自成陷京師明思宗殉國清兵既入關自成復走陝西清兵逐之女聞兵至乃斷髮易衣冠爲男子臂躬腰矢以往請於主兵者願殺賊以自效主兵者偉其言令率五百人爲先驅每戰必先以功授爲忠顯校迨西安既定女陳言於主兵者曰鎮原吾鄉里也道路山川吾所素悉且被兵久請以一軍往略之乃進爲武毅將軍遣一軍隨之徇鎮原既下女卽圍仇家取其父讎頭祭父墓既乃泣拜其母曰母當不知兒爲何人兒母女也所變服爲男子冒死以殺賊實爲父讎今讎已復吾志已遂有弟可待母兒亦不能再作椎髻之婦事人志遂讎復兒請死遂自經母欲阻之血已濡匍而出女遂死鎮原之人哀之爲之立孝女祠云

慕壽祺曰明崇禎十六年流賊寇道州守備沈至緒出戰勝後爲援賊所殺掠其屍去至緒有女雲英年二十隨父任自帥十騎直趨賊砦殺賊三十餘奪其父屍而還湖撫王聚奎奏請降敕以雲英爲游擊將軍仍領父衆守道州禾中俞右吉著三述補乃取雲英事入異典中以爲女子授將軍此在明朝未有之典則張孝女與雲英生同時其爲親復仇亦與雲英略相似惜鎮原地僻無毛奇勸其人者搜剔遺軼爲之表彰豈非憾事耶夫易代之際忠孝節烈之事湮沒而姓氏不傳者不知其幾何人矣予與孝女同里閉恐其事之後將渺茫也故紀之

甯夏總兵劉芳名招撫中衛縣香山諸寇

芳名甯夏衛人順治二年甯夏總兵平固原叛將武大定三年秦州賊賀珍王元馬

順治十六年芳
名同中衛梁提
督化鳳征海寇
以疾歿於軍贈
太子太保諡忠
肅

德作亂芳名先後擒斬之至是招
香山諸寇散其餘黨地方以安

案香山在中衛縣西南舊為慶清牧地與海原縣興仁堡靖遠縣劉家峯柯接壤增設保
備時有草竊出沒於其間遇害者亦無從報案寇黨愈聚愈多現處太平世界而香山南

黃家窪子
仍有土匪

九月甘州副將米刺印起兵殺巡撫張文衡等

先是元明兩代以甘州為甘肅省城
清初因之故巡撫駐節於此政府所

在應有盡有丁成印者甘州回族也時為撫標副將素桀黠手握兵符身經世變聞清廷
重滿輕漢頗為之不平又聞下剝頭令自軍官始乃與其同黨丁國棟謀曰國家強人以
難堪與其豚尾長拖為人竊笑何如鴻飛遠走賦我遂初國棟附之曰福王唐王相繼而
立明之未亡殆關天數公如有志恢復殺巡撫以據河西固易事耳魯陽揮戈梁公夾日
與夫漢寶融晉張軌之所為安見今人之不古若耶刺印首肯者再會調兵出征刺印陰
蓄異志適節屆重陽假甘州北城樓會宴滿城官吏先以甲士伏於帳後親邀巡撫張文
衡至所有鴟從人等陰令人席於城下巡撫不知也酒酣成印奮袂而言曰國家挾全
盛之勢不難洗劍青海勒石敦煌殊不知內實虛弱發號施令全無開國規模夫甘肅者
甘肅人之甘肅我大明二百餘年所涵以貽之子系也今者故國遺臣紛紛起兵余雖非
西州豪傑響應東南竊有志焉公等其有意乎文衡含怒而答曰今日佳節止可飲醇酒
賞黃華公事不便談也司道等揣巡撫意默不發一言刺印復責以大義曉以禍福肉
食者鄙未能遠謀迺呼帳後伏兵出殺巡撫張文衡及西甯道副使林維造參議張鳴冀

總兵劉良臣涼州副將毛鎮肅州副將潘雲騰游擊黃得功金印都司王之俊守備胡大年李廷試李承澤陳九功莊浪參將翟大有戰歿惟涼州同知徐自礪參將蔣國泰從逆受職刺印及其黨丁國棟等據城以起義擬遣兵取蘭州臨洮渭源鞏昌等處

米刺印奉故明延長王朱識鏐徇涼州下之

刺印擁涼州兵渡河而東蘭州回黨舉城迎接

幕壽祺曰余閱平定關隴紀略簡首大書特書曰順治四年米刺印丁國棟起兵甘州兵而曰起是義師也此等論調使在雍乾時族矣及觀其奉故明延長王朱識鏐證以父老所傳始知當日此舉意在排滿以響應東南不圖穆教中有此革命人材足為隴右光清史以叛逆目之何所見之不廣耶以漢文帝之賢趙佗且稱帝南粵東族入主中夏人心之不平也更可知矣

戊子五年

明桂王永曆二年是歲桂王駐隆慶

春正月拉卜楞寺番僧嘉木樣生

先是拉卜楞境內沙溝寺得隆寺喇嘛在西藏

研究經典多年後奉藏佛命到拉境內考察地址建築寺院就渣悟溪來洲生柯灘三處選擇後建寺於渣悟溪循化所屬之拉卜楞即渣悟溪之別名也原名扎西曲拉卜楞意義是活佛公署拉寺第一世活佛即是嘉木樣番名嘉樣加巴譯言文殊笑梵是拉寺開山之祖駐牧青海姓華舒為十八大姓之一其始祖蓋完徒居甘肅西南部甘家灘蓋完以後有喇嘛保者性質爽直好佛喜施捨其妻賢淑於是年正月初八日生嘉木樣後呼為圖克圖清之呼圖克圖大活佛之名稱也

案嘉木樣在西藏等處研究經典至六十二歲始主持拉卜楞教權是為第一世活佛年七十四圓寂第二世嘉木樣為嘉迷翁卜掌教六十四年處國家全盛時代僅屢宣傳其教權達到內外蒙古青海西藏等處第三世嘉木樣為將迷江周掌教亦六十四年第四世嘉木樣為嘉松士盾汪秀此時教權已入甘川青等處第五世嘉木樣即現在之活佛名嘉榮盾祕嘉貞

三月米刺印攻臨洮府回黨應之城陷

城陷後殺城守游擊及生員李文煒等焚掠連旬

米刺印等招西甯回民兵備副使馮如京副總兵張世耀擊敗之

甘州副將米刺印丁國棟等既

叛欲招致西甯回民假竊名字以恢虛勢回民治掌教等不應則擁衆大造河岸冀以威脅總督孟喬芳選將調兵密授力略兵備副使馮如京等如京與副總兵張世耀及冶參戎據險設伏大敗之是時河西城鄉無不授逆回荼毒者惟西甯安堵無恙則一芳之力也又命補艾任西甯副總兵整理戎伍初西甯回民雖拒絕米刺印等而當事者於凡回民之所聚究不能無疑補艾至甯廉訪得實還報而勇猶有為說以冀動搖者艾正色斥之湟中回民賴以安全

夏四月回匪陷渭源知縣李涓死之

回逆米刺印等遣賊潛入渭源城執涓涓大罵不屈死之事聞贈陝西按察司僉事廕一子時

以回變遇害者有臨洮道李絮飛臨洮府同知徐養奇蘭州知州趙狎學正白旂河州游擊高照學正王運熙

案地理志渭源縣即漢首陽後魏改名渭源其故城在今縣城東北故址相連尙存又有渭源堡在縣西北岡上三百步許爲宋王韶屯兵之處太原省城外亦有渭源堡符秦承相王猛駐兵於此註者誤爲甘肅之渭源縣

米刺印攻鞏昌陷之

從此盡陷洮岷河州諸城守備劉繼祖戰死殺岷州同知杜懋哲閏四月總督孟喬芳遣副將趙光瑞游擊楊相等由鞏昌夾攻斬

賊百餘副將馬甯等又衝殺七十餘里斬賊三千餘回衆悉潰

慕壽祺曰鞏昌漢南安郡爲自古用兵者所必爭然四百受敵其勢可暫而不可久秦符登稱帝南安西秦乞伏氏徙都南安金哀宗擬遷都鞏州其後皆歸於敗善其地勢然也

米刺印雖已取得鞏昌而響應無人欲功成革命難矣

五月侍郎額塞等復蘭州

是年閏四月陝西總督孟喬芳率副將馬甯劉友元游擊張勇等破之於內官營又率總兵王思謙等大破之於金縣川

游擊張勇破之於馬家坪擒賊鏢斬之至是額塞等大破逆回於蘭州復其城先是喬芳控制三秦德威交著化經四顧一以休養滋息爲主會酒泉張掖間回逆生心恃其族類

殷繁弄兵潢池兩河岌岌告變公曰此屬小醜滋擾執迷好詐何足辱我斧鑕然芟莠非難慮傷嘉禧姑以檄諭前之弗從拔劍奮怒乃簡車轂旅躬率旌旗而西

諭臨洮府屬被雹災重者免本年額賦

稍重者蠲三分之一至順治九年莊浪西甯肅州所屬故絕拋荒並

亢旱四旬見影
也 宜安集非杜撰

水淹沙壓地故額
徵糧草悉予蠲免

慕壽祺曰西北為崑崙高原氣候乾燥土地又高下不同亢旱則低處得過而高處全無
水澇則高處或可而低處不熟及水雹成災地無論高低一空如洗政府將受災最重地

方額徵糧草悉予
蠲免嗚呼仁矣

總督孟喬芳復鞏昌等處迫米刺印於水泉擒而斬之

逆回米刺印攻陷河州臨
洮等處進至鞏昌喬芳至

鞏昌督兵勦剿誅米刺印於
水泉恢復河州臨洮等城

案靖遠縣志水泉堡在縣東北二十里先是西夏置迭烈遜堡在縣北七十里明萬歷間
修築城周三百五十步邊牆七十里初設巡司成兵防守置紅及索橋道莊路成化間

改移打刺赤而水泉遂為控制之要衝其地壁立
山嶺四面天險萬歷四十年修城周一里二百步

案奉天通志孟喬芳字心亭奉天人順治二年總督陝西五年逆回米刺印等反陷臨洮
府屬州縣喬芳選將調兵恢復各城應時平定民皆安堵又請豁各府積年荒糧招撫流

移釐驛弊革冗役士民戴
之立祠於蘭州西門外

慕壽祺曰米刺印起兵甘州不數月間連陷涼州蘭州河州臨洮鞏昌洮岷等處脅從日
衆響應日多烽火照於回中義聲聞於遠近全甘震動無安枕之所矣清廷簡拔健將任

用甘人鞏昌蘭州次第克復渡河而西直搗巢穴初起之兵根蒂未固官軍猛入勢難久支殆天亡明非戰之罪也嗚呼人材豈可以成敗論哉

回黨闖塌天據臨洮臨洮回黨闖塌天等率眾殺城守官吏遂據其城兵圍攻月餘始降斬其首王道宏餘遣歸田

岷州回匪作亂同知杜懋哲死之懋哲直隸人順治四年任岷州同知立法嚴整諸弊悉除至是回匪作亂執懋哲不屈罵賊死

慕壽祺曰岷州東連秦隴西達河湟北阻臨鞏南控階文雖番漢雜居而道路四通一縱一橫形援河洮實為西偏之翼蔽明設洮岷道常駐岷州為防番也占人云非我族類其

心必故異君子思患而豫防之今回匪復作亂於內則防不勝防矣

秋七月參將曹希冬擒斬回黨闖塌天闖塌天自受撫後潛居高山復集餘黨劫掠參將曹希冬遣村官雷明偵之得實於是偃

旗息鼓夜往擒之梟其首級餘黨悉平

己丑六年明桂王永歷四年是歲明魯王以海遁入舟山春二月趙榮貴犯階州平西王吳三桂討平之榮

扶偽秦王從玉壘關犯階州二月賊薄城下副將董焜參將吳應科率兵戰於東門外敗績城幾陷未幾平西王吳三桂帥師全擒斬偽王朱森金僞侯趙榮貴餘眾悉降

三月官兵勦賊於臨河等堡克之陝西賊王永強破同官縣定邊花馬池軍民相繼作亂官兵軍攻克臨河等堡斬獲無算

叛夷扎穆素奔據賀蘭山求通市不允仍令設計捕殲

秋七月陝西巡撫盧傳勳平涇州各路土賊備牛馬器械無算

設西甯貴德所守備一員守兵一百五十名防守雍正七年增添總制外委把總一員

乾隆二十六年改設西甯縣縣丞

甘州游擊張勇復肅州生擒逆回酋丁國棟黑承印一名河西子先是米刺印雖

與其黨黑承印奔肅州關內外回黨各起響應雍涼再震官軍四面圍攻深壕高壘以困之賊潰圍東走結蘭州土寇鈔掠武威張掖敦煌當是時山西亂作總督孟喬芳復移兵

征勦收復蒲州解州運城河西逆回丁國棟等叛據肅州喬芳遣張勇馬甯蜜授方略分道夾攻賊大敗陣斬火者哈生擒丁國棟黑承印斬首五千餘級肅州平諸賊次第克復

案新疆回族紀略順治四年甘肅巡撫張尙奏哈密衛輝和爾都督及赤金蒙古衛都督永柱等明入貢值寇掠殺印肅州今赴臣所乞權願效忠天朝詔納之六年河西逆回

丁國棟等煽哈密及吐魯番部掠內地民僞立哈密巴拜汗子土倫泰為王據肅州叛集纏頭回紅帽回輝和爾哈拉回漢回等數千分置都督大軍討之抵肅州擊斬哈密頭目

及纏頭漢回四百餘級以雲梯夜薄城奪門入斬土倫泰及纏頭漢回二千餘賊壘垣拒

禦之擒丁國棟斬哈密僞都督和卓哈資纏頭回僞都督琥伯峰哈拉僞都督茂什爾瑪

密輝和爾僞都督璠
喇紅帽回僞右都督恩克特默等

庚寅 順治七年 明桂王永歷五年是歲冬清
兵克桂林桂王由榔奔南甯 蘭州回賊反總督孟喬芳勦之
賊焚城北 浮橋喬芳

遣兵勦之敗死
於河者無算

案陝西通志載賊既勦除即修河橋成夜有羣鬼從河中出援纜上橋守兵射之不能退
鎖轟然中斷橋乘流而下鎖有飛十餘里者追二十里止於河中灘旋拽還故處鬼爭如

前喬芳以河燈五千盞祭之乃止其事近
怪不足信而河燈之祭今已相沿成俗矣

辛卯 八年 明桂王永歷六年是歲
桂王由桂林府奔廣南 總兵官張勇開市洪水
時總兵官籌皮馬之利始與海
部通市於洪水而海部黠酋遂

黃緣漸駐近地時
掠民畜甘南大擾

案甘州府志洪水在張掖縣東南百五十里自故東樂縣界來出大沙灘過二十里鋪東
流入山丹河舊志秃髮傳檀伐蒙遜至赤泉即此唐志涼州姑臧縣有赤水軍本赤烏鎮

有赤烏泉因名幅員五千一百八十里中之最
大者也善唐時赤泉屬涼州現今為甘州所屬

案洪水營因洪水得名洪水即赤泉在漢為氐池在晉為蘭池在宋為金山十六國春秋
秃髮傳檀宏昌五年伐北涼蒙遜嬰城固守芟其禾苗至赤泉即此考洪水河在故東樂

縣城東南一百一十八里一發源於分水嶺大湖窩一發源於金山下谷鎮南溝經西水關北流香溝補達二水匯馬灌六大壩田畝出口二十里經洪水營西營虎刺水又四十里經六壩堡西管大都麻小都麻水又十餘里受馬蹄河水又五十餘里入張掖之大溝渠又三十里至太平堡屬張掖與山丹河水匯谷中土石皆赤水初出時色如渥丹本名紅水訛云洪水相沿未改其水甚旺再關山道所屬之故紅水縣今改為景泰縣此又一紅水也

壬辰九年明桂王永歷七年是歲四川賊冬十二月西番掠老鴉關參將曹希冬會兵孫可望劫遷桂王於安隆所

勦其巢起豎哈家溝西番擄掠老鴉關民畜參將曹希冬率兵會各土官直趨山外搗其巢穴殺戮無數

案一統志老鴉關在亂藏關南又南為漠泥關又東南則土門關也又云老鴉關在河州西九十里舊省志老鴉關在河州西八十里西北距循化廳治一百二十里查河州至西鄉韓家集五十里韓家集至老鴉關三十里實止八十里統志省志俱誤

又案亂藏關在河州西七十里今呼為亂藏漠泥關亦在河州西里勢與亂藏同今呼為漠泥溝十門關在河州西南九十里迤東為石嘴兒梁只巴般板槐樹西兒喬家岔鴉塘等關又東則殺馬關也此乃見一統志

癸巳十年明桂王永歷八年是夏六月西甯孫家寨回民據寨叛至十一月總督孟喬芳遣西甯協狄應魁

等討之回匪旋投誠
因撤回滿漢官兵

秋八月西番犯土門關

火裏藏西番犯河州土門關參將曹希冬率親兵夜抵關口獲賊首羅藏都什罰牛馬銀貨九九之數番部震慄邊境以甯

案河州志河州鎮所屬有二十四關為防番要隘明俱設官分守積石關在州西北一百二十里即隋臨津關東去積石山五十里明置茶馬司於河州此為市易處置軍防守州

四六十里曰石嘴關有邊樁一關門一七十里曰朵只把關有石樁一曰漠泥關曰包藏關八十里曰大峽關有石樁一九十里曰五台關有石樁一曰紅崖關石樁一關門一曰

老鴉關在包藏之南又一百二十里曰樊家峽關一百五十里曰崔家峽關石樁各一州南六十里曰船板嶺關七十里曰槐樹關有關門一八十里曰陡石關有邊樁一曰喬家

岔關曰思把思關九十里曰西兒關一百四十里曰大馬家灘關邊樁一一百六十里曰小馬家灘關二百一十里曰麻山關二百四十里曰俺關關州東南七十里曰鴉塘關州

西南六十里曰土門關有關門一八十里曰陟麻關林麓控隘足以守禦自此西行至嶺西其地益高與西賊相出入元遺都實訪河源路出於此清乾隆八年閏四月命甘肅河

州團練二十四關鄉勇

案一統志土門關在河州西南九十里迤東為石嘴兒朵只巴般板槐樹西兒喬家岔鴉塘等關又東則殺馬關也殉身錄滁人李實明洪武十二年從沐英平西羌與羌戰於土

門乘勝深入中流矢死太祖勅禮部侍郎劉松撰神道碑所謂土門者疑即土門關今由河州雙城往土門關僅二十里走拉卜楞必由之路

是歲封青海和碩特

一作額魯特

部蒙古酋長為遵義文行敏慧顧實汗

顧實汗者元太祖弟哈布

圖哈薩爾七傳至阿克薩噶勒泰子二長阿魯克特穆爾汗內札薩克科爾沁札賚特杜爾伯特郭爾羅斯阿魯科爾沁四子部落茂明安烏喇特八部其商也次烏魯克特穆爾

九傳至博貝密爾訥稱衛拉特汗子哈尼諾顏洪果爾繼之有子六圖魯拜琥其第四子也號顧實汗既據有青海分部眾為左右二翼子十人額之左境東自西甯邊外棟科爾

喇西至嘉峪關邊外洮資河界八百餘里南自西甯邊外西羅克北岸北至涼州邊外西喇塔拉界四百餘里東南自西甯邊外拉喇山西北至甘州邊外額濟納河四百餘里

東北自永昌邊外西南至嘉峪關邊外布隆吉爾河岸二千餘里右境東自棟科爾喇西至噶斯池界二千五百餘里南自松潘邊外漳臘嶺北至博羅克河南岸千五百餘里

東南自洮州邊外達爾濟嶺西北至嘉峪關邊外塞爾騰西爾喀拉金界二千餘里東北自西甯邊外克騰庫特爾西南至穆魯烏蘇河千五百餘里崇德二年遣使通貢七年復

借達賴喇嘛奉表貢順治二年賜甲胃弓矢俸轄諸額魯特十年封遵義文行敏慧顧實汗賜金册印

案青海和碩特部在西甯邊外至北京五千七十里東及北界甘肅西界西藏南界四川

表延二千餘里本禹貢西戎地夏殷周皆屬西羌漢為張掖武威金城隴西四郡之西塞

外及蜀郡之北檄外屬先零燒當等諸羌地王莽時始置西海郡歷後漢魏晉皆諸羌所

居東晉以後又為吐谷渾所據隋大業五年吐谷渾遣西海河源等郡隋末吐谷渾復

據其地唐初擊破之龍朔三年吐蕃滅吐谷渾盡有其地宋亦為吐蕃地元為貴德州及吐蕃朵甘思等處屬吐蕃等處宣慰司明為西番地正德四年始為蒙古部酋所據名為

海寇明末顧實汗
自西北侵有其地

甲午十一年 明桂王永歷九年是歲二月係可望遣 夏六月乙未秦州地震城壞僉事
人劫桂王由榔殺其大學士史貞毓等

宋琬變產修之

琬率秦州吏民素服郊哭遍禱望勞行原隰飛鴻爰集百堵斯作但城固遺堞疆圉是憂夙夜徬徨當餐廢箸或曰植幹之需鄉遂是徵徒

葦之役邱甸是問鉤金束欠之人可以庀村入馮子大夫下尺一以令國人其孰敢不從琬曰吾聞之也國有大校咎在邦伯是以澤中之謠子哲與刺城築不以其時則春秋書

之今天方降威俾我民不康厥居余小子苟愆慈往災患之不恤而興土工以召怨琬則曷敢爰出匪頒之賜購杞梓於岷山已而道健足括故園困虞以益之於是秦人乃謹知

其非厲已也勝衣之男估罪之士連肩踴負篋而趨州牧姜某身自編於畚鍤之間量廣狹準尋尺視其勸疏而先後之縮版既興憑憑登登曾未期月而厥工告成

案宋琬字玉叔號荔臺山東萊陽人順治四年進士後官四川按察使秦州南門外有宋荔裳先生祠先生性孝友虛懷下士工古文詩詞盛名滿天下著有安雅堂集

乙未十二年 明桂王永歷十年 春三月會試甘肅中進士二名 蔡天頭靜甯州人總督漕運有

奏議行世卒後其子琛入江蘇籍

案慕天顏字拱極原籍鎮原縣明末遷靜甯州清乙未科翰林院庶吉士初任浙江錢塘縣知縣升福建興化府知府審理軍需案費關百萬事連州縣官府百人屢年不決天顏

天顏子慕琛康熙二十一年壬戌科舉進士官禮科給事中

江南奏時有墓
大中丞奏議出
大詢之照人多
善之見余嘗過
歸前訪鶴鳴先
生故宅有知者
委在新街並其
墓祠已被人使
占矣

得其要領用庫帑以清之尋攝太常卿招撫臺灣授興泉道陞江蘇布政使入覲條奏八
事其一黃淮全屬情形其二淮揚湖田寬徵其三請除荒閒田糧其四請減浮糧額數其
五永行均田均役其六選用守令能員其七恤給罪囚口糧其八閩海寨游設防而治河
閩防二事荒坵浮糧之弊尤為確切康熙十五年陞江蘇巡撫十六年捐造烏船四十隻
火藥二十萬斤噉手一千二百名等送岳州軍前加兵部銜書江南屢荒皆由水道不治
復奏大興水利請濬常熟白茆港武進孟涇河諸處蓋吳淞劉河白茅孟涇為蘇松常鎮
之四大幹河不可不急治也疏入報可又蘇松常太長等十州縣有歷久版荒之田有江
湖衝塌之坵荒有地入公家糧存細戶謂之公占三者歷年甲包賠官司挪墊至是因
地震陳言請豁助實坵荒地共二千三百六頃歷年缺額銀二百三萬零而版荒坵江
公占諸虛租遂得永豁以緩京口駐防事去官二十三年起復湖北巡撫旋調貴州羅總
督漕運因條列漕政復歲造船隻之例制渡江先後之法請江北紅白兼收一便土宜又
嚴斛卒盤驗之法於過淮倡合幫互挽之條於上聞所著有撫吳封事楚黔封事督漕封
事輯瑞陳言刻行後
卒於蘇州葬於吳

巡撫甯夏都御史黃圖安上疏言邊事

圖安留心邊事軫念民生
其原疏見副編奏議類

案明初設甘肅巡撫一員駐甘州又設甯夏巡撫駐甯夏清初沿明舊制設巡撫甯夏都
御史一員駐甯夏衛康熙四年裁此後甘肅巡撫稱甘甯見舊督署御書陋室銘碑及清
慎勤
圖額

喀爾喀中路賽音諾顏部子弟來朝

初喀爾喀有所謂紅教者與黃教爭偉徵諾顏諾諾和弟四子圖蒙肯尊黃教為之護持唐古

特達賴刺麻賢之授賽音諾顏號令所部奉之視三汗圖蒙肯次子丹津刺麻復受諾們罕號於達賴刺麻至是遣子弟來朝詔丹津刺麻領左翼札薩克之一歲貢九白如三汗

例十八年賜尊文順義號鑄印給之

案賽音諾顏部至北京三千餘里東界博羅布爾哈蘇多欽接土謝圖汗部南界齊齊爾里克翰瀚海接烏喇特阿拉善額濟納諸部西界庫勒薩雅字郭圖額金嶺北界齊老圖

河皆接札薩克圖汗部東北至唐努烏梁海所部十九旗後增三旗附額魯特二旗凡二十四旗

慕壽祺曰自宗喀巴倡黃教而紅教為舊教矣泰西十六世紀中日耳曼人馬丁路德反對羅馬教會之專制破教士之階級制提倡宗教上之自由思想信徒極盛遂有新教之稱而以羅馬教為舊教信教自由中外一理蒙藏既崇拜黃教又有達賴班禪為其信徒而喀爾喀之紅教猶與黃教爭其結果則紅教失敗蒙人思想之新已見一斑矣

丙十三年

明桂王永曆十一年是歲四川賊李定國挾桂王奔雲南

移臨鞏總兵官駐劄西甯城原統轄標路

河洮等營

舊額馬步戰守兵共一萬二千四百二十五名內鎮標中營左營右營前營後營共五營舊額馬步兵四千五百名內馬戰兵二千四百名步戰兵二千

一百名其鎮海協貴德大通等營舊額馬步兵七千九百二十五名內馬戰兵二千二百五十八名步戰兵一千五百三十一名守守兵四千一百三十六名

丁酉十四年 明桂王永歷十二年是歲孫可望以兵攻桂王於雲南 冬十一月北地賊掠清水縣二十里鋪知縣

陳加論率民兵攻之不克千總李隆吉中流矢死

戊十五年 明桂王永歷十三年是歲王師入雲南桂王攜眷奔永昌 秋七月北地賊掠清水縣五里鋪游擊于

邁知縣姚之淵率民兵圍之地龍溝賊潰圍遁

案順治十六年春正月清兵克雲南桂王奔騰越十七年秋九月白文選進攻緬甸案桂王十八年秋七月桂王從官盡為緬人所殺冬十二月清兵至緬甸緬人執桂王送吳三

桂軍前康熙元年夏四月桂王及其眷屬為三桂殺於雲南明遂亡

冬十二月乙丑諭青海厄魯特車臣台吉等不得擅行內地 厄魯特部屢侵內地抗拒官軍迫脅番人

攘奪牛馬上遣兵部右侍郎石圖理藩院啓心郎蘇格等勒明據奏上諭車臣台吉等曰今後邊內番人原係納貢於爾者仍聽爾爾爾等向番取貢當酌定人數路由正口先委頭目稟明守口各官方行入邊取貢毋得不委頭目不由正口零星闖入至貿易處所原有酌定市口著從西甯地方鎮海堡北川二口洪水一口出入不得任意往來取道他處

文縣南路部番糾生番襲鐵樓寨肆殺掠副將羅映台守備潘雲龍等征勦竹

林族餘番悉降復立鐵樓寨

案文縣志鐵樓寨在縣西南五十里土城設在平地極衝又有南路
寨哈喇壩寨塞卜寨新寨舊寨均在文縣西南與鐵樓寨相距不遠

案清史順治名福臨太宗子崇禎十七年即位於奉天改元順治時流賊李自成陷燕京
明懷宗自縊自成僭稱帝明將吳三桂奉書滿州睿親王多爾袞乞援濟兵入山海關驅
自成走陝西迎帝入燕京遂定鼎焉時多爾袞蓋理國事帝冲幼守位而已順治七年多
爾袞薨帝乃親政年十二歲幼即有超脫出世之恩長而愈甚及親政首下數諭即定僧
道之規律而於考試掄材亦極部重十八年正月無病而崩皇子玄燁即位是為聖祖仁皇帝

仁皇帝 癸卯 康熙二年春二月北地賊掠清水游擊耿文裕與之敗績 北地賊楊老漢等掠清水

白沙坡游擊耿文裕引兵戰於弓門鎮敗績知縣
孔述益率民兵戰於主山獲一點油等三賊酋

甲辰 三年移陝西布政使司駐鞏昌又增置按察使 六年改右布政為鞏昌布政使司
八年布政按察二司移駐蘭州改

鞏昌布政為甘肅布政使司據此布政
按察二司移駐蘭州在巡撫駐蘭州後

案皋蘭縣舊志謂蘭州最初建道署後移臬署又後移藩署最後移撫署殊誤又案乾隆
三年巡撫元展成請蘭州改設府縣疏甘省會城建在蘭州有臬州無部縣據此蘭州自

移駐巡撫布按二司後久為省會通考謂巡撫布按二司移蘭州後又移臨洮以臨洮府為會城乾隆二年始以蘭州為省治巡撫及布按二司俱駐蘭州亦

乙巳四年裁甯夏巡撫清初沿明舊制甘肅巡撫駐甘州衛甯夏巡撫駐甯夏衛至是我甯

案甘肅舊通志康熙元年甘肅巡撫自甘州移駐涼州五年移駐蘭州皋蘭縣舊志乃謂甘肅撫署自甯夏移鞏昌自鞏昌移甘州自甘州移蘭州殊屬舛誤

冬青海酋懷阿爾賴梗甘涼道游路擊王進寶擊破之番酋有懷阿爾賴者世牧青海上國甘州洪水開市

色喜及其兄弟二各率所部驅馬數千移帳甘州白石崖口外之野馬川引弓之士二千已而入踞大阜灘之馬支山邊更爭之上命達賴喇嘛往視分界樞部理藩文武咸集皆

謂內地不宜侵佔懷阿爾賴拔佩刀砍地曰前明漢江山獨我不可得一片土天何用生我為卒不肯離大阜灘於是中國增官兵頓在大阜灘四隅頃之甘涼路梗邊使對壘而

軍二旬不解一日使命方往來進寶出其不意突發人礮其馬驚不可控始大潰去老婦稚子落後者皆被追戮即世傳定羌廟之捷也

案定羌廟在山丹縣之東涼州府之北其地為古城窪之阜亦曰山丹崖即古昔嶺也前逼大黃山右跨大阜灘後倚邊牆中環數椽杳無居人地僻牆卑邊長成少故蒙古踰垣

而出放牧於此東越岡坡二十五里為水泉堡

甘州府志定羌廟在明代有城有樓其防邊之要地乎曾幾何時而化為瓦礫場矣夷之來無險可守當是時提鎮大員肩封疆重任又或身負盛名坐視騷虜犯邊束手無策者

不少也王進寶以一守備而能卓然自立使數百年後父老感懷往事輒言馬踏定羌廟鞭掃大草灘此豈非出於其勇者耶

又案洪水營在甘州之東即今民樂縣治舊屬甘州提明嘉靜八年設守備一員兵三百名萬歷十五年增設游擊一員守備如舊下總二員把總四員馬步守兵一千名清康熙

八年改設參將一員十一年裁撥永固城隨改設游擊一員千總一員把總一員十三年共設馬步兵四百二十五名雍正七年馬兵內考取經制外委千總各一員把總二員自

乾隆二十年後陸續裁改存官兵一百四十六員名馬十匹民國三年改

慕壽祺曰明末清初青海黠番時出大通縣經鄂博永固出永昌扁都溝口以擾甘州故洪水營南古城等處設重兵以資鎮攝思患豫防出於不得已也今雖邊陲甯謐槍鼓不驚然番情變幻無常有守土之責者所宜留意焉

丙午五年甘肅巡撫自涼州移駐於蘭州

九年始設撫標左右二營游擊守備各二員千把總倍之馬步守兵共一千三百名

慕壽祺曰元設行省於甘州明因之清移巡撫於涼州皆非適中之地康熙五年甘肅巡撫自涼州來駐雖規模不及河西之雄而自秦而東為關陝之屏蔽自鞏而南為巴蜀之咽喉自皋蘭而河湟為西涼之衝要由西甯而玉樹又為入西藏之門戶豈偏州下邑利害止於一方者所得而比哉

青海蒙古各部縱牧甘州大草灘

青海額魯特部蜂屯祁連山縱牧內地聲音將入寇河州臨洮西甯鞏冒涼州諸地甘州提督張勇請自

扁都口酒水關至嘉峪關築邊牆以限內外

案大草灘即大黃山之西麓由涼州永昌縣西至甘州故洪水堡止廣三百里橫八十里其地之草為河西內地之最夷人牧馬其地洪水堡在甘州城南九十里明嘉靖間置在大草灘口番人出入之路辛卯時行記國初許蒙古通市於供水名偽得馬皮之利青海時西種至舊設溝壩多被毀傷

丁未六年八月甘肅邊內住牧番部落盡數遷移出口 先是黑爾根等部落戀牧內地且有逃番口稱各頭目欲於八月

月進兵山西陝西總督盧象昇即赴莊浪以防意外總兵官孫思克謂游牧番人俱搬出原處住牧又上年差往西之喇嘛回稱喇嘛傳臺吉申飭不許生事各臺吉俱遵奉朝廷敕諭真心向化遣人齎認罪馬牛羊千隻隨喇嘛之生擒逆黨邪放牙固子等掃其穴巢

開爐鑄錢於鞏昌府 時各省開爐鑄錢甘肅於鞏昌府開局鼓鑄所鑄錢文一面鑄康熙通寶四字一面錢字高貴有連至西甯者後停

甲寅十三年夏五月吳三桂反雲南遣偽總兵郝龍陸道清據秦州

冬十二月陝西提督 原駐平涼 王輔臣叛於甯羌州還據平涼 吳三桂之初叛也遣使以偽劄給輔臣令起兵

於隴右輔臣舉發遣其子繼貞馳奏帝下詔撫慰之時四川已為三桂所有廷議出師討之命經略莫洛率四川莫洛率兵先行以勒董額統滿騎繼進輔臣隨大軍征蜀

蓋類一作洞鄂

六省者雲南貴州四川湖南廣西福建也

惟輔臣故與莫洛有隙行至甯羌則總兵土懷忠標兵缺餽潰散遂生異志唆其衆三千
 噪饋叛攻莫洛營莫洛親領湯兵力射卻之既而輔臣自督戰攻殺莫洛至沔縣輔臣欲
 與貝勒董額戰而所部潰逃過牛乃僅偕數百人走秦州董額亦未追蹙
 徑還西安輔臣遂召韓平涼降附三桂三桂急給輔臣餉師銀二十萬兩
 案清世祖定鼎燕京東南反側未靖吳三桂王雲南尙可喜王廣東耿仲明子精忠
 王福建是爲一藩并建之始三藩中三桂功最高兵最强受清廷恩禮亦最修雲貴督撫
 咸取節制其所除授號西選西選官偏天下用財戶部不得稽遲是時雲南俸餉歲需九
 百餘萬加以閩粵二藩運餉歲需二千餘萬天下財賦半耗於三藩三桂潛謀不軌而閩
 粵二藩驕恣朝議令盡撤藩兵歸籍三桂遂舉兵反雲貴皆從賊時康熙十二年十一月
 也大吏告變舉朝震驚聖祖詔中閩粵兩藩勿徹先遣都統巴爾布等率精騎三千由荆
 州赴守常德命都統珠滿以兵三千由武昌赴守岳州又遣兵分馳西安漢中安慶兗州
 鄖陽汝甯南昌諸要地聽調遣削三桂官爵宣示中外命順承郡王勒爾錦爲甯南靖寇
 大將軍統師至鄂州又以滇蜀接壤命西安將軍五爾喀率騎兵赴蜀大學士莫洛經略
 陝西軍事三桂亦遣其將王屏藩犯四川馬寶等出貴州湖南遂陷沅州明年正月賊將
 龔應燾夏國相張國柱等軍至湖南巴爾布等二月至荆州武昌不敢進於是常德長沙
 岳禮衡二三月間先後陷賊襄陽桂林四川響應精忠聞之亦反數月而六省皆陷三桂
 親赴常德督戰賊將吳應麒踞岳州勢張甚濟兵屯荆襄武昌諸郡無敢擾其鋒三桂復
 使其將分道進攻以重兵由長沙窺江西以偏師由四川窺陝西其江西賊入袁州陷萍
 鄉安福上高與耿逆兵合陷三十餘城聖祖命貝勒尙善爲安遠靖寇大將軍助討岳州
 之賊命安親王岳樂爲定遠平寇太將軍出江西以簡親王喇布爲揚威大將軍統師鎮

一

二四

平涼等處
分布吳
所任

江南以貝勒洞鄂為定西大將軍與莫洛由陝攻蜀而命康親王傑書貝子傅喇塔由浙
討聞是冬陝西適有王輔臣之變輔臣乘陝西軍缺餉攻莫洛帝羌該之附三桂遂得踞
平涼而漢中復陷於賊三桂令蜀將王屏藩吳之
茂山漢中出隴西而洞鄂及總督哈爾素留西安
慕壽祺曰近人論吳三桂無有海服兵而顧南稱制者蓋平涼漢中成都襄陽
開風降陷大平涼隴坻之樞紐也漢中雍梁之樞紐也成都南川之心腹也襄陽天下之
腰脊也未有平涼失而襄陽可無事者也未有漢中失而西蜀可無事者也未有成都失
而荆襄可無事者也未有襄陽失而中原可無事者也以三桂而有平涼漢中成都襄陽
之險則中原大勢不
在東北而在西南矣

王輔臣遣僑將攻鎮原縣城陷典史馮明兩死之

時知縣公出典史守城城破遇害

慕壽祺曰鎮原南接平涼東接慶陽西接固原北接環縣此面高原素為產糧區秦為北
地郡地漢為安定郡治所唐設涇原節度使固自古用武區也土饒人勇在戰略上
不能不先取鎮原况近在咫尺朝發而夕至也
區區一典史守城猶洪鐘片雪豈復有餘命哉

詔令總管哈占等赴守蘭州

時王輔臣據平涼荆州隴州林援之兵盡集西安上恐蘭州有失詔令分千人駐守蘭州及哈占皆留不遣上

復促之

乙十四年春正月王輔臣遣叛黨逼蘭州

帝令將軍阿密達副都統鄂克濟哈考代率保甯回西安之兵赴蘭州勦禦並防堵

州文縣諸處帝諭廷臣曰蘭州近邊地應速遣兵駐守今保甯大兵已回西安達禮善巴圖魯兵亦將至西安其撥西安見在兵每佐領下四五百名赴蘭州勦禦逸賊洞鄂琿言

蘭州固宜遣防但保甯遠卒鎧甲未齊達禮善巴圖魯兵亦未齊來恐難驟遣若以西安兵往恐補臣由陳倉諸路踴我棧路道自安州平涼來愈深爲可慮又疏言興安兵變殺總

兵王懷忠臣等出示安撫仍止前往安之副都統穆舒渾兵又命希福同實貴總督鄂齊等率現駐襄陽蒙古兵移守興安漢川是年三月貝勒洞鄂征隴州復關山進兵秦州

希福攻克東西二關而蘭州重地已非國家有矣

叛黨白光勇陷清水

先是十三年十二月平涼提督王輔臣率總兵蔡元副將白光勇等叛應吳三桂至是陷清水三月貝勒王帥大兵踰隴山討平之

賊將趙士昇

他本誤作時中

陷臨洮

士昇既陷臨洮進據蘭州於是鞏昌慶陽花馬池相繼失守王輔臣自據平涼而其黨分踞各郡隴右無一片乾淨土矣

任黎士宏爲洮岷兵備副使

精初兵備副使駐洮岷所以防番也士宏旋改署甘山道時王輔臣叛諸鎮會勦及復蘭州攝臬纂分別失守官吏

罪號爲平允會甯夏營弁謀逆找提督改授甯夏道佐提督張勇中衛守禦綏靖反側又密請免衛所補糧七萬五千石

王輔臣僞總兵魏永錫等據甯州

五月王師克甯州大肆殺戮六月永錫復入甯州盤踞一載房屋物具焚毀殆盡

二月初五日蘭州陷巡撫華善奔涼州

王蒲臣遣偽總兵趙七昇逼蘭州巡撫華善不能抵禦撫標游擊董正已守備馬宏回族

也通賊倡亂城遂陷華善偕按察使伊圖奔涼州布政使成額降輔臣賊勦蘭州浮橋以守

案蘭州府志浮橋即鎮遠橋俗名索橋在省城北門外明洪武年宋國公馮勝建於城西

七里以濟師越四年移建於縣西十里名曰鎮遠十八年守禦指揮楊廉又移建於城西

北三里金城關用巨舟二十四艘橫互河上架以木梁欄以板圍以欄南北兩岸鐵柱四

木柱四十五鐵纜二各長一百二十丈綜麻草繩各相屬冬拆春建為通河西要路宏治

初馬文升言陝西之路可通甘涼者惟蘭州浮橋一道敵苦據此橋則河西隔絕饒援

難矣清因之橋事舊係蘭州同知專司乾隆三十六年裁缺光緒三十三年改為鐵橋

手實救臨鞏平慶等處割辦去纓者

諭臨鞏平慶等處文武官員軍民人等凡有割辦去纓者一概赦免不究官員照舊供職兵丁

各歸原伍百姓各安生理

王輔臣遺叛將巴三剛等陷鞏昌

輔臣遺秦州知州巴三剛犯鞏昌克之偽總兵陳可鄭元經入城據守又分抄旁邑破斗底山

三月慶陽賊攻邠州梁家堡固原總兵官朱衣客擊卻之斬偽參將吳進忠等

奏報山邊外鄂爾多斯地方設站傳遞員勒董額等潛秦州將軍阿密達進取平涼合提督張勇巡撫華善總兵官王進寶等取蘭州會貝勒等協力夾勦以定臨鞏等處

辛未授甘肅提督張勇為靖逆將軍加甘肅總兵官孫思克左都督西甯總兵

官玉進寶都督同知

所有二邊經調缺額官兵及標員宜更置者總提督張勇募補河西兵餉著總督哈占巡撫杭愛俊道路少通速行撥解

從征貴州師次千萬窟進寶率眾攀崖直上搗其巢賊奔潰長驅直入以功遷游擊從張

勇定西羌授洪水營參將既而海虜輸款乞往牧大草灘坤勇用進寶議持不可乃議即

單于城故址建永固城以進寶為副將駐之番人畏服進西甯總兵後平王輔臣之亂官

提督陝西全

又案灰磧集永固城在山丹縣之西漢為單于城前涼之祁連郡也其所轄之大馬營黑

城馬營墩與之鼎峙灘內近有紅水為右臂遠則高古為聲援近亦險塞可扼者賊逾西

三十里為洪水與永固相對今改為民樂縣

慕壽祺曰斯時也王輔臣據平涼叛響應吳三桂三桂亦遣使持札至甘州約提督張勇

同叛勇以蘭州迤東已在吳藩勢力範圍內又聞韓將軍大任佐賊募其料敵制勝雖古

名將無以過之河西地方遼闊庫帑罄懸為可慮耳王進寶聞而獻策謂甘州為西北樞

紐省城重地宜集文武合謀奮死力圖守以待大兵之至濟則國之福也不濟請以死繼

乃開軍事會議進寶請率西甯漢番兵士取蘭州以屏敵甘州主戰之議遂決勇以偽札

進呈上遂以討賊付張勇等三人從此保全河西克復雲南西北將帥之力居多嗚呼一

合水縣兵

言與邦誰謂邊
微無國士哉

副都統鄂克濟哈復涇州

鄂克濟哈等大破賊於涇州城南擒斬偽總兵衛民舉等遂復涇州

賊將周養民等侵掠合水邑紳劉有餘率義兵禦之

三月賊犯興武營游擊熊虎等擊之賊敗走花馬池

初賊據花馬池分犯興武營熊虎等擊敗之賊退保花馬池時

陝西提督陳福自甯夏統兵駐靈武遣兵復惠安軍州定理二堡至興武營會合蒙古索諾木貝勒下各台吉兵馬圍攻花馬池賊將朱龍等來援城內賊出應官軍兩路夾擊擒

斬偽都司王一龍大敗之賊將來化降花馬池平

總兵王進寶襲臨洮克之

時賊又陷蘭州官軍圍之偽總兵陳可聞之以三千餘人據臨洮守備王萬祥言於進寶曰蘭州要地賊必堅守不若先

取臨洮則彼坐困孤城不戰而自屈矣進寶然之遂督兵六百人前進命游擊王朝海為前鋒萬祥次之途遇臨洮民來者不許還並除沿塘賊兵以杜漏洩夜四鼓至臨洮城下

萬祥見城垣有微斜處令家將閻潤先登繩引之萬祥乃登隨登者五六十賊驚覺礮矢競發不得進萬祥曰是處欲退無路不知進戰勝負未可定也遂獨出排牆手斫二賊

衆繼進賊下城奔竄追擊之賊蜂擁出北門時王朝海亦攻破東門殺賊過半降五百餘人遂復臨洮

甘肅總兵孫思克復靖遠衛

西番掠和政驛遂侵河州

西番乘吳逆之亂率眾三千招外番萬餘人自沙馬關直抵和政驛擄掠婦女焚燬廬舍人民望風奔潰遂遣賊番二十

騎至河州城下以添把為言次日大隊齊至和政城三四十里內殺掠甚酷官兵噉擊傷賊亦眾後賊乞和而搶掠如故四月靖遠將軍裨將下令驅逐歸巢番遂出境所掠人畜

盡挈而去
哭聲震野

案河州志甯河廢縣在州南六十里本吐番香子城池宋熙甯七年置甯河寨四年升為縣明初廢後改和政驛解縉甯河城詩甯河城頭百丈湧瀉下通明五色虹若到關頭應

駐馬下瓢一飲醉春風石玢和政驛詩銀燭生華坐有春山堂細雨爽吟神南林秋色清如畫元可悲人亦愛人

王輔臣陷定邊靖邊花馬池

帝令總督哈占總兵官許占魁發官兵赴甯夏同總兵官陳福併力進取陳福屢次舉首偽札升補陝西提督暫駐

甯夏管總兵事癸未帝以花馬池靖邊衛相繼失守命總督鄂善等各帥所部兵赴榆林協力勦禦再調四子部落等兵由甯夏榆林兩路前進速定地方三月二十日陝西提督

陳福自甯夏統兵駐靈武遣官兵擊叛黨朱龍復惠安鞏州定理三堡至興武營會合蒙古索諾慕貝勒下各台吉兵馬圍困花馬池遣兵前赴定邊擒斬偽參將等殺敗賊眾其

圍困花馬池也賊朱龍等來援城內賊眾從北城出犯我兵兩路擊勦擒斬偽都司王一龍等圍花馬池屢敗賊眾賊無抵抗力遂降花馬池平賊陳彭偵知陳福恢復花馬池定

邊遣賊突犯靈州漢伯等堡福傲游擊熊飛等於大沙井灘奮勇殺賊陣斬偽參將馬騰蛟等夏四月賊踞定邊花馬池二城犯興武營游擊熊虎等擊敗之斬偽游擊雷普等西甯總兵官王進寶兵抵蘭州賊出犯進寶擊敗之

蒙古犯洪崖堡永固副將陳達與戰死之

蒙古乘吳三桂之亂犯洪崖堡拆毀關隘襲執官吏與官兵戰永固副將陳達戰歿

詔甘肅總兵孫思克加意防邊如蒙古仍行肆害即率兵勤禦仍遣使往諭達賴額臺吉約束部落毋為邊患

夏四月總兵王進寶攻蘭州

進寶既克臨洮回攻蘭州賊堅守不出誘之賊率馬步千五百人出東門迎戰進寶奮勇鏖戰自辰至午進東門夜

城陣斬一賊將賊大敗入城進寶圍之斷其糧運賊屢出突圍進寶分路截勦俘斬甚衆

五月固原游擊趙元輔復甯州

先是王輔臣作亂甯州人民逃竄四出偽總兵魏永錕等率逆黨入據之至是趙元輔等率兵赴甯州屢敗賊

於東河灘賊黨大肆屠掠而去尋又攻陷州城盤據一載焚掠殆盡

貝勒董額克秦州賊將巴三剛遁

時吳三桂遣賊兵萬餘由四川平涼分路進援秦州城內賊八千餘突出應之貝勒董額克分兵迎擊

大敗之屢戰屢捷總兵孫思克自鞏昌率兵來會賊驚懼偽總兵陳萬策率民兵出降賊將巴三剛等遁走遂遣振武將軍佛尼勒內大臣坤巴圖魯總兵孫思克等追擊於西禮

等縣屢敗之遂復禮
縣西和清水各城

提督張勇復洮河二州

偽總兵潘瑀偽副將曾文耀竊據洮河二州番民乘隙肆掠張勇率兵至河州曾文耀先遁乃遣士官楊朝傑攻洮州潘瑀敗

走復洮河二城
番民警服歸巢

閏五月提督張勇等圍鞏昌

逆賊王輔臣遣偽副將任國治領衆三千由鞏昌東門潛入內城偽總兵陳可鄭元經等率賊六千四門分出突圍

勇率副將劉官聖等分兵堵勦斷賊歸路斬獲無算生擒四百七十餘人游擊張大邁追賊逼城中噉陣亡六月二十五日大將軍貝勒董額令西安將軍穆占赴援鞏昌穆占即

同總兵官孫思克抵鞏昌遣投誠官陳萬策謝輝入城招諭偽總兵陳可等率衆歸降遂復鞏昌勇於是遣諸將復蘭州諸郡自守鞏秦以斷蜀賊隴賊相通之路

案東華錄閏五月上諭以靖逆侯張勇久鎮西陲奠安疆宇躬履行陣屢敗賊衆必須專其責任而後可以整飭軍紀所屬地方總兵官有故違節制不聽調遣者許即指參副將

以下有臨陣逼縮殺良冒功者聽以軍法從事其文官白道員以下儻有遲誤緊急軍需者會同巡撫據實題參

西甯總兵王進寶攻克蘭州東門甕城

官兵圍蘭州賊領馬步兵千餘出東門總兵王進寶按察使伊圖等奮勇鏖戰自辰至午

進東門甕城陣斬
偽參將大敗賊兵

張介侯王壯敏
公傳云蘭州賊
尾山之劫也
大賊來劫營皆
安賊之會悉為
賊據悉克復臨
洮而蘭州賊不
下歷七戰不
十次因之為
總兵趙士昇馬
洪董正官吳成
印降等官馬洪
受降等官馬洪
逃而復東昌
守濟州復東昌

總兵王進寶等擊賊於甯遠田家坡大破之

先是十四年吳三桂遣副將王屏藩吳之茂率軍由漢中出隴西援應平涼王

輔臣至是靖逆侯張勇已擊破輔臣將朱龍陳可於鞏昌矣屏藩等屯於甯遠之南山聲勢甚盛張勇遣總兵王進寶孫思克等由御碑溝駐東旱坪以擊之以兵少多方示強軍幕糧屯巨里山學檀道濟之唱籌量沙也偵知賊精銳悉守前山遂用毛某為鄉導黃夜從田家坡至營門殺守兵有大賊數尊回向敵營轟擊大破之屏藩等僅以身免進寶屯糧之處土人呼為進寶至今遺址猶存嘉慶時陳姓耕田得九節大礮呈縣署存庫嘉慶十五年官軍所遺物也

西甯總兵王進寶復蘭州

先是二月十三日王進寶聞蘭州之變率西甯兵問道至皋蘭張家河灣拆朱氏屋材結葺為棧夜渡黃河大破賊衆

於新城偽游擊李廷玉等就擒抵龍尾山賊衆出城抗拒又擊敗之乘勝東拔金縣復安定三月十三日冒雪襲臨洮克之四月迴蘭州五月賊馬步兵千五百人出東門進寶奮勇鏖戰自辰至午進東門獲城陣斬偽參將某賊人散入城我兵圍之斷賊糧連閱五月賊屢出突圍進寶分路截勦俘斬甚衆六月賊造木棧百餘將渡河逼進寶沿河岸邀擊賊計窮勢蹙二十七日偽總兵趙士昇及原任布政使成額率偽官百餘員兵丁五千餘名以城降安插本城居民萬餘遂復蘭州

案王輔臣之變蘭州失陷及收復凡六閱月俱在康熙十四年東華錄所載月日甚晰舊舉蘭縣志謂十三年偽總兵趙士昇攻陷蘭州又謂十五年蘭州俱陷殊屬舛誤又案滿名臣傳華善與伊圖自蘭州出西渡河至永昌與張勇王進寶會議進取策遂復蘭州仍為巡撫十五年以病卒於官續志劉紹昌傳乃謂華善死之尤謬

案新城一名箕箕灘堡在皋蘭縣西七十里地臨大河由間道往西甯必經此明趙英城
新城記成化二十年置新城張家地方有朱應昌者短而黑勇力絕倫時人因其託業涸
廁中有類蜻蜩羣呼為屎爬牛其兒子近堯狀貌酷似癩蝦蟆故亦以蝦蟆呼之康熙十
四年馬洪叛應吳三桂據蘭州斷河橋甘州提督靖逆侯張勇檄西甯總兵王進寶率所
部兵討之至張家河灣阻於河不得進應昌與近堯自拆所居屋取其材縛以筏夜半潛
渡官軍進寶既渡河連戰敗賊遂克蘭川嘉應昌叔侄功欲奏以官辭不受遂賞給河灣

田數十頃
瞻其終身

慕壽祺曰自古用兵之際非僅有智識已也必也勇略膽力相輔而行始克有濟進寶之
解蘭州圍也以渾脫渡河使隔岸之賊以土礮轟擊其不遭滅頂之凶者幾希乃竟冒險
而行子龍一身都是膽矣他人處此
稍一游移匪患不更形棘手也哉

賊復陷慶陽城陝西總督哈占尋復之

先是王輔臣遣其黨據慶陽其黨尋反正率
眾投誠輔臣怒遣偽總兵周養民率南一元

等圍攻復陷其城哈占以原任知府王文紳等俱被脅從遣人
招撫文紳即擒偽總兵南一元率眾獻城安插士民三萬餘人

九月王輔臣副將高鼎降

鼎於官軍圍鞏昌時先遣人通
信後率眾奮門投提督張勇降

慕壽祺曰王輔臣初舉發偽劄後又響應吳三桂反覆無常婦人女子之不知其至甯羌
州也嗾令兵士譁變攻殺主帥方謂軍心離散一木不能支大厦之崩豈知一飯微餐尚

存德報輔臣身為提督大員食人之祿乘國之危一旦倒戈相向非惟物議未可撫衷亦
覺難安乃竟還據平涼而臨鞏平慶等處割辦去縷者所在多有甘肅全局為之動搖而
高鼎謝燁陳科陳萬策等已率眾投誠倒
人之戈者人亦倒其戈天道好還可畏哉

邊賊南一元陷合水縣城大掠而去

先是王輔臣叛平慶道於是年正月初四遣員至合水徵求縣印知縣于騰海知力不能支遂因乞

終養以印與之二月內偽總兵周眷民夏合修李見初等縱兵入合水鄉搶掠牛羊財物甚眾邑人劉有餘率義勇禦之勢稍止是月邊賊南一元率眾入縣城劉有餘攻之不克一元大掠而去城為一空明年知縣李廷樞到任始稍稍安集召募得居民一二十家

番夷擾甘州邊界

時靖逆侯張勇既東征番夷乘虛窺伺大阜灘帷帳滿野磨逐不去

冬十月提督張勇仍留鞏昌勦賊

帝令勇留兵守鞏昌親自率兵赴董額軍前協力進取平涼勇奏賊吳之茂率眾進屯單家河等處

若赴平涼恐賊乘虛直犯臣斷不可遠離鞏昌

十二月官軍攻平涼克取第一關廂

自十二年十二月王輔臣叛據平涼十三年二月帝令貝勒董額統兵往定平涼阿密達鄂克

濟哈覺羅夸代等將各處所調官兵與京城西安兵共撥每佐領五百名二月十四日率往平涼三月辛未以阿密達平涼失利調太原兵援之是月二十三日固原鎮標游擊趙

元輔等率兵赴甯州屢敗賊於東河灘焦家灘等處五月副都統鄂克濟哈等於甯州近城東山擊敗賊衆斬偽副將張三參將王廷譽擒殺八百餘人復甯州而平涼久未下閏五月董額令都統海爾圖等連紅衣職至平涼八月提督陳福同副將太必圖統兵前赴平遠擊敗賊衆斬偽百二十二員賊二千餘九月甘肅總兵孫思克領兵進剿於紅寺兒大敗賊衆生擒偽守備等復靜甯先是八月十五日貝勒董額及平逆將軍畢力克圖楊威將軍阿木達俱領所部抵平涼賊出城迎敵官軍屢敗之斬偽總兵郝天祥至是官兵攻平涼克取第一關廂去城三里許對南山屯營欲前進薄城因溝深地險難以下壘上令斷其固原餉道以困斃之

總兵王進寶等會勦西和賊三戰皆克

臨鞏總兵王進寶振武將軍佛尼勒靖逆將軍張勇等會勦逆寇於西和縣三戰三捷斬

獲甚衆

甯夏提標兵變提督陳福遇害

先是帝令福并力克取固原或會同貝勒董額進攻平涼福奏固原有賊萬餘若舍此竟趨平涼恐固原賊出

斷我糧道應俟賊勢少衰進佔固原量留官兵圍困其城臣乃率兵赴平涼方無後慮福又率兵進勦固原為參將熊虎等四人所害時十二月二十二日也明年正月上令將軍張勇巡撫華善即速會議如鞏昌無虞分一人赴甯夏慰諭官軍其副都統恰塔所領兵及員外郎拉篤祐所領七默特兵應駐防靈州定邊等處靈州定邊中有黃河之隔甯夏有事猝難即至恰塔請率所部兵屯於黃河對岸以扼兩路要害旋以趙良棟為甯夏提督

塞通志陳福事夏人順治初以守備從軍有功累遷夔州副將康熙十三年擢寧夏總兵官會吳三桂叛王輔臣據平涼遙應之遣偽將西陷洮蘭東掠花馬池定邊時甯夏兵先經綏赴征川留者什二三人情惶迫眾議頗紛紜福按劍怒曰敢有議者齒此劍遂整兵東復花馬池定邊斬偽將朱龍悅五等於是甯夏悉平乃移師西向將赴固原平涼歲暮冰雪來飲暫歸福銳意前進十四年冬至惠安堡約翌日進勦固原是夜軍亂福被殺

墓海祝曰從來大將被害多係待兵太嚴所致陳福則異是是年九月二十三日王輔臣黨奄至固原固原賊亦自城內突出齊犯官軍副將太必圖率兵擊之方與賊戰中衛副將買從哲忽退游擊張元經亦率兵上衆軍驚擾太必圖陣歿是則寬之爲害而令之所去其死也惜哉

副將田萬頃與賊將李壽國戰於西和鳳凰山死之先是逆藩吳三桂遣其姪之茂屯兵西和鳳凰山總兵王

進寶帥師迎勦屯軍西略堡至是遣其副將田萬頃攻鳳凰山賊寨僞總兵李壽國迎戰於青家灣賊兵鎗集礮矢俱發官軍不支萬頃力竭戰死賊氛愈熾既而李壽國等夜襲進寶左營進寶用計環攻之促其黨家山西崖賊大潰壽國敗遁其黨多墮崖死

是歲西夷部落圍河州衛城圍攻一月乃去康熙二十二年又犯衛地俱見秦邊紀略

案秦邊紀略四卷不著撰人名氏或謂此書為康熙間人所作首載河州及西甯莊浪涼州甘肅州等處延綏等衛形勢要害次載西甯等衛南北邊堡次載西甯等衛近疆及河套次載外疆近疆西夷傳河套部落蒙古四十八部落考略西域土地人物略其論邊鄙疆域及防守攻勦情形一一詳悉蓋國家初定西陲中間遘王輔臣之叛與滇黔相煽方用兵於內地故近邊諸邦往往窺竊後乃以次削平馴為臣僕此書所述皆是時之形勢也

丙辰十五年春二月以大學士圖海為撫遠大將軍蒞西師貝勒董額以下咸受

節制

初王輔臣叛帝命輔臣子賁招撫輔臣頗具疏謝罪而負隅抗拒與董額軍相持一年不下數上疏乞撫賁緩師吳三桂又遣王屏藩潭洪吳之茂三路分犯秦

隴欲與平涼賊合並命雲南十司總兵陸道清率苗標千人入平涼助守貝勒等久無功故有是命

率清史圖海滿州人康熙十四年貝勒洞鄂攻叛將王輔臣於平涼未克上命圖海為撫遠大將軍總轄陝西全省貝勒以下咸聽節制至平涼明賞討中約束軍威大振諸將請攻城圖海曰仁義之師先招懷而後征伐吾奉命討凶豎無慮不克顧念城中數十萬生靈皆國家赤子遣賊劫掠覆巢之下殺戮必多須俟其向化歸誠乃可軍民間者皆感泣思自拔賊勢由是日蹙旋進兵奪虎山墩俯視城中發巨礮擊之賊恟懼補臣乃乞降時涼州遣賊荼毒尤甚派員撫綏定輯民樂更生

吳之茂薄秦州命將軍張勇勦禦之

帝聞之茂自四川出犯渝風水嶺漸逼鞏昌命靖逆侯張勇速自甯夏還鞏昌勦禦二月賊薄

秦州屯銀北山阻斷臨鞏之路秦州之兵無從覓餉且兵力單弱戰守皆難將軍席卜臣遣夸蘭大聶勒庫率兵三百赴隴州二十五日陝西提督王進寶會同振武將軍佛尼勒等進勦北山賊渠吳之茂迎敵大敗之生擒僞總兵四員僞參游等二百餘員殺獲無算三月佛尼勒遣兵斷賊糧道至羅家堡鹽關等處遇賊運送糧草敗之陣斬僞官兵弁甚衆

王輔臣遣賊將陳甲等犯靈州都統怡塔擊卻之

賊將李國良援秦州

僞總兵李國良率賊八千餘由靜甯援秦州詔佛尼勒同靖逆侯張勇巡撫華善等調度勦滅秦州援賊恢復靜甯州

內蒙古侵掠甯夏邊界

甯夏與鄂爾多斯接壤內地有事蒙古入邊侵掠甯花寨平羌等堡命理藩院郎中額業圖爲署副都統馳驛赴鄂爾多斯

以劫掠情狀曉諭其王貝勒等令其嚴禁毋內地擾害仍令鄂爾多斯兵整理甲冑器械以俟調遣

甘肅提督張勇奏臣會同護軍統領傑殷遣兵敗賊於甯遠縣之馬烏鎮官兵

敗賊於清水縣陽平等處

夏四月賊犯通渭靖逆侯張勇等大破之

賊衆萬餘犯通渭縣城守官以兵單逃入山寨賊遂入城張勇與護軍統領傑殷自

伏羌進動行至十八盤山遇賊全隊奮勇急擊
大破之賊遁奔追戰七百餘級乘勝復通渭

實夏提督糧良棟招撫河東二十餘堡

自陳福濟變之後逆賊直犯甯夏河東
二十餘堡俱被脅從良棟始招撫之

案甯夏府志趙良棟字擊字一字西華原籍陝西定邊縣明末徙甯夏世為甯夏人清
順治二年從英親王定陝西累仕至甯夏水利都司從總督孟喬芳平河套

有功累遷父喪與三桂舊具志留鎮平遠良棟力請終制奔歸補大同左都督移天津

三桂反平涼提督王輔臣應之甯夏惠安兵變殺提督陳爾福甚提督張勇萬良棟提
督曹夏率師馳至鎮宣佈朝廷德意誅首惡寬脅從遠近悉安在鎮三年日練兵備

官至將軍授爵三等子良棟結髮從戎五十餘年大小戰百戰未嘗敗衄妻種涉險博戰
七十餘里有古大臣風烈為卒年七十有七晉一等

伯諡忠戰功詳清史本傳及李次青先生事略

撫遠大將軍圖海至平涼大破於滅虎山墩

圖海至平涼越日至城北虎山墩相度
攻取賊衆萬餘由墩突撲官軍圖海引

兵分路進擊自己至午賊衆敗奔追斬偽總兵二人餘賊被傷及斃崖死者甚衆獲馬匹
器械不可勝計遂奪虎山墩勦其餘道俯賊城中以破攻之王輔臣大懼圖海會

周昌入城招撫降臣遂
遣偽副將謝天恩乞降

平涼府志卷之二十一

三

案虎山墩在平涼縣正北五里許平地突起一峯形似虎踞上有古墩臺一座故名山兩旁有溝細水澆澗登其巔則平涼四城舉在目民國二十年秋黃得貴遺旅長李富清率所部攻平涼先占虎山墩陳國璋坐困圍城中矣

案東華錄是年二月上諭兵部曰大將軍貝勒瀚鄂等屯兵平涼日久賊寇尙未勦滅城池尙未恢復夫秦省不能卽定川賊尙在窺伺者皆由王輔臣未勦滅平涼未克取故也其以都統大學士圖海爲撫遠大將軍兩赴陝西勦滅逆孽且貝勒瀚鄂以下悉聽大將軍節制是月疏言聞逆賊將斷關山擬遣兵往守但見在兵少難分至鞏昌雖有副都統管愛率兵前赴而賊區可虞命將軍錫卜臣等調兵守關山張勇等堵勦出犯秦鞏之賊

靖逆侯張勇等破賊於洛門賊奔潰官兵大勝

幕壽祺曰清初滿洲大員輒視漢族王輔臣之叛滿人有所藉口對於張勇王進寶貌合神離不能同寅爲恭折衷而行此等情形仁皇帝亦聞之稔而慮之深嘗云國家仰荷天眷秦州鞏昌蘭州等處漸次恢復今將軍提督總兵及投誠兵聚於平涼一處將軍張勇勞績甚多恐貝勒等統忽視之生彼憤懣時座朕懷始重用漢大臣此次平涼戰事張勇得參末議從底定隴東以克雲南漢族之力居多焉

蜀賊吳之茂遣李黃爲攻通渭以援平涼都統赫業戰死將軍王進寶追賊至

此五月二十四日事

初吳三桂以輔臣之體應欲由秦蜀入犯通賊均州南陽以通

砥石峽大破之

吳之茂欲援平涼使偽總兵李黃鸞攻迪渭赫業自洛門星夜馳至吳賊戰於城南中破陣亡賊屯城北筆架山以困城舊威將軍王連寶引

數十騎自東峽口入聞赫軍敗績賊甚衆令軍士伐木曳之塵大起賊駭遁追殺數十里至砥石峽遂令官軍分路進剿大破賊衆招降偽官遂復靜甯州

五月詔滿漢官兵會勦王輔臣於平涼

洛門捷後又克復靜甯州距平涼僅隔一六盤山耳官軍奉令會勦前行盡坦途矣

案古平涼治所在今平涼縣四四十里之安國鎮唐貞元七年劉昌築胡谷堡改名彰義堡九域志平涼縣有安國耀武二鎮金屬化平縣通志安國鎮在平涼縣西三十里鎮西有古城疑即彰義舊堡後改爲安國或曰安國即胡谷之譌四達衝途實爲要鎮靜甯州在六盤山外即宋之德順軍宋初與隆德莊浪同時設縣

六月賊侵犯甯遠游擊劉廷棟等奮勇堵禦擊敗賊衆

進寶親行指揮分途進勦擊敗賊衆招降偽官

王輔臣引川逆爲援犯通渭縣提督王進寶率兵擊敗之

復靜甯州

王輔臣以平涼降

大將軍圖海復令周昌裔赦詔入平涼城次日王輔臣遣僞布政使其榮遇等率士民詣軍門獻軍民冊又遣其子王繼貞及僞總兵蔡元等繳所受吳逆僞敕二紙僞平遠大將軍及陝西東路總管各印並諸僞劄而輔臣尙懷疑未出國海復遣周昌及其姪侍衛保定入城溫諭輔臣遂率衆出降固原僞巡撫陳彭慶

與安漢中之賊
會輔臣以平涼
降事盡中止

此六月十四日
事

王屏善吳子
率兵十餘萬
漢至甘肅他
則於平遠未
以前極力備
以顯甘肅之
戰者於此處
妙無圖然矣
萬祥字瑞宇
鐵山年十四
身走雲南依
夫郭某書武

偽總統周揚名下馬關偽總統兵王好問關山偽副將孔印雄及雲南
土司陸道清等各率所部相繼來降苗獠兵遣面原籍平涼遂平

獠苗兵回籍

平涼投誠苗獠兵求回原籍上令官員
各加一級兵丁酌量賞資俱發回原籍

提督王進寶率師至樂門擊盤踞之川賊

進寶初至樂門安營未定賊潛來劫營官
兵環繞衝擊賊大潰死者不計其數生擒

偽總統兵游擊都司守備
等官即於軍中斬之

蜀賊吳之茂率衆宵遁

時振武將軍佛尼勒靖逆侯張勇將軍王進寶等統滿漢官兵
會勦賊於秦州洛門等處蜀賊不能支於六月二十六日率衆

宵遁官軍追勦敗之於牡丹園又敗之於西和縣斬獲甚
衆吳之茂僅以十餘騎遁又追勦於紅崖等處恢復禮縣

偽總統王屏蕃將軍吳子冒由通渭退入漢中參將王萬祥

益壯敏
會甯人 截其糧道

屏藩子冒吳逆之梟將也領兵十二三萬自雲南來援王輔臣已由西和禮縣至通渭據
其縣令勢甚孤時王萬祥守秦州聞警率親丁追之殺賊衆奪縣令回入通渭城賊棄營

走輔臣被圍日久孤立無援乃詣軍前請降屏藩等遂率餘賊入漢中萬祥率二千
四百人往扼守要害截其糧道賊棄寨屯於八角原萬祥復往克之賊將彭士亨逸

萬祥曰王壯敏之用兵也往往能以少勝衆豈非神勇哉平涼解圍後未幾漢中賊復
騷擾據兩宮將軍王進寶擬遣將取之壯敏言此縣不須攻但遣將前往彼孤城無援必

軍王進寶初官
器之遊其下
奇之遂留其
諸進寶同甘
後官左都督
廷少保都督
太子少保都
桂林孫廷齡
甄術招撫之
史之勝焉足
馬雄之進攻
西省城也
疑省城內
將勇家無
女老幼夜
之灑水每
口一舉刀
而軍江水
流實無內
清潭親王
補鎮延齡
後十餘日
病死其語
雖死其語

走己而果如其言又何其智
也嗚呼為將者不當如是乎

招撫逆馬雄 原任廣西提督馬雄陷身從逆其母及族人在固原馬雄之母欲令其孫
馬承先馬承宵持書赴廣西招雄歸降上令馬承先等馳驛來京至是抵

京給以游擊銜制遣赴粵西招撫馬
雄並令錄馬雄披陳原奏持以為信

案廣西提督馬雄甘肅固原人康熙六年六月上以孔定南婿孫延齡移鎮桂林命王永
年孟一茂載良臣為正副都統受延齡制王孟心易延齡年少以婦貴無大裨略不厝為

之下而延齡時居清江王府頗驕縱傲侮王孟遂有隙十三年正月吳三桂反延齡遂
誘王孟十二人至府盡殺之而遣人納款於三桂蓄髮易冠發兵反囚廣西巡撫殺潯州

知府劉浩等以應三桂提督馬雄駐柳州亦貳於一桂然奸狡持兩端延齡遣其兄廷基
與總兵官陳全攻雄雄不為動七月又遣總兵官侯成德攻雄為雄所敗雄亦為流矢中

頰是以愈不睦既而延齡上表三桂稱名不自鑄印殺官三桂疑之十六年故將軍線
圖安之子逃之柳州說雄代延齡聞雄兵至疑桂林城中有內應籍諸仇家盡殺之雄至

相持數月無勝負乃回柳州遂致書三桂謂延齡陽奉陰違三桂固怒其不稱臣益值十
月遣其兒子偽將軍吳世琮至桂林詒延齡延齡不知雄之潛已郊迎世琮伏卒斬其首

於馬上函送雄所是雄為逆黨路人皆知上猶遣
其家屬招撫之善安反側之心不欲擴大戰事也

暮壽祺曰王輔臣既投誠辦理一切善後事宜從逆者思有以招之戰沒者即宜有以卹
之而東華錄所載寥寥如數點晨星固原之戰副將太必圖陣沒鞏昌之圍遊擊張大選

陣亡王進寶之攻蘭州也賊自知勢危狂突官兵分路堵戰游擊丁顯俊于總錢中科奮不顧身致被破箭傷之外蒙古之犯紅崖堡也乘張勇進勦河東乃拆毀關隘襲殺官吏永固城副將陳達戰敗死之其他捐驅報殉埋沒無聞者豈少也哉

將軍王進寶進兵武關

進寶議取武關率兵進勦提督趙良棟敗賊於打火店王家等處賊敗奔追至白水江而還

慕壽祺曰自王輔臣煽亂以來奸徒附和殺地關龍以西縣城遼關官兵一時未集人心於焉動搖幸賴張勇王進寶名震關州之變即率兵星馳泮河勦禦收復城邑舉發偽劄緝獲奸謀綏定邊陲厥功甚大及攻取平涼專任張勇等鎮守秦鞏勦禦川賊身先行陣所向克捷其所屬將卒亦皆異常効力其樹功勳趙良棟率朔方健兒底定川滇使愛新覺羅之天下危而復安論其功當配享太廟乃僅授以子爵而猶曰滿漢一視同仁將誰欺乎

秋八月官兵進取階州偽總兵陳友功獻城

靖逆侯張勇取階州陳友功以城降

蒙古鄂爾多斯入邊侵掠甯花寨平羌等堡

鄂爾多斯即伊克昭盟明正德時據河套史稱爲阿爾禿斯

丁巳十六年春二月西番糾吐蕃圍撒拉

靖逆侯張勇徵副將楊三元統兵至起台堡千總徐承烈至清水西番遁歸

夏四月圍海駐防秦州寶雞官兵進逼禮縣益門諸處

撒拉四居今青海所屬化境及化隆縣境

秋九月撫遠大將軍大學士圖海自平涼巡視秦州清水一帶隘口撥滿漢官

兵防守

冬番夷自西套來奔

甘涼近南山一帶有四海墨爾根喇奈多爾濟台吉等廬帳數千餘肅州境內游牧番人頭目有濟農布弟巴圖爾厄爾德尼和

碩齊等廬帳萬餘皆為噶爾丹所敗自西套來奔明年六月噶爾丹遣人請集甘州南山一帶番自赴西套

戊午十七年春三月慶陽賊袁本秀作亂大將軍公圖海遣兵討平之

袁本秀受吳三桂偽劄糾

合匪徒千餘盤踞山林乘隙作亂圖海發慶陽官右延安三營官兵並檄奮威將軍王進寶協力合勦賊敗績夏四月追勦至衛遠溝斬袁本秀及偽副將等並殺賊二百餘級餘

衆敗潰

案養素堂文集載時慶陽有賊首聚衆稱尙王欲犯環縣又欲犯固原固原城無兵提督王進寶聽稗將王萬祥言飛撥餘丁充伍得馬步四千餘人值正月出行揚兵從西門出由北門入絡繹不絕賊聞之不敢來先是環縣十三家七寇蜂起劫奪商旅進寶遣將捕之擒其渠牛麻子誅之返其婦女百餘人

是月令流番各歸故巢

時流番已陸續出口將軍張勇自蘭州移駐甘州固守沿邊地方甘肅提督原駐甘州後因蜀賊犯甘南故移蘭州至是仍回

防原

秋八月大將軍公圖海遣諸將取兩當徽州城克之

圖海議取漢中會將軍王進寶由棧道進甯夏提督趙良

棟由徽州進王進寶與賊戰於利橋紅花鋪諸處大敗之復兩當縣趙良棟由密樹關取徽州復遣兵於黃渚關以牽賊勢遂抵密樹關連戰皆捷賊不支棄徽州遁遂復州城

冬十月將軍畢力克圖等復成縣偽副將王光生降

光生率偽游擊等官十九員兵丁三百六十名投誠

官軍復階州文縣

水江十一月十六日復文縣偽洮岷道王文衡率偽文武官迎降

十二月命孫思克兵暫駐莊浪防守河東河西等處

己未十八年春以巴錫任甘肅巡撫

時兵燹後輯甯懷保不期月而效成報最上賜清慎勤三字二十年三降戶部右侍郎關中檢討李因篤

撰德政碑

夏四月以葉映榴

宇丙霞江海上人

任陝甘提學道

陝甘兵劫之餘先民教澤蕩然無存映榴衡發公明鼓舞多方士林翕然稱頌後陞

湖廣督糧道值夏包子亂殉節贈工部侍郎諡忠節勅服官省分建立專祠

案學政全書清初各省設立學道定歲科二試科試秀才至三等而止歲試則分為六等文理平通者一等亦通者二等平常者三等有屁者四等荒謬者五等不通者六等一等補廩二等幫增三等回家四等戒飭五等廩降為增增降為附附降為社社皆黜為民

康熙十七年時四方多事廷議令每一童生如納銀四兩得入院試秀才則每名納銀一百二十兩方可名曰餉生後經御史奏請蠲除許之按捐納貢監與正途明經恩蔭入監均無區別定名為餉生可謂名符其實查明末福王立於南都縣考童生提學奉功令每生如納銀三兩二錢得入院試則清初之有餉生乃沿明之舊制也

冬十月廿軍趙良棟王進寶兩路出師入蜀賊棄漢中

明年諸路克捷四川全復詔良棟兼雲貴總督由四

川進規雲南

庚申十九年冬環縣賊鄧萬才糾合鎮原賊耿飛馬玉等作亂

鎮原之北與環縣鄰萬才與耿飛馬玉聯

合為閭閻害時鎮原縣知縣宗書江南興化進士先任四川巫山縣吳三桂反變姓名逃歸京師是年出宰鎮原聞方山賊起亟請兵駐防鎮人深以為苦案鎮原舊志縣北九十里有大小方山與環縣接壤其形皆方故名明末李自成黨羽一斗穀聚此作亂後為陝甘之患清初耿飛馬玉等據為巢穴

官兵始克復成縣

自王輔臣響應吳三桂逆黨盤踞成縣蹂躪最慘知縣連登科死難至是我師至恢復前後已七年矣

甘肅巡撫自鞏昌移駐蘭州

先是川賊犯秦州令巡撫暫駐鞏昌
呂好問改駐于是移駐蘭州府

案康熙五年在老城內偏北就湖肅清府建為甘肅巡撫署乾隆三十九年總督來駐兼
管巡撫事遂改為總督署方密二里中為大堂堂前東西為文武官廳為文武巡捕廳後

有二堂堂東為大書房為集益軒又後為一堂最後為內宅為花園大堂南為儀門門外
為立中居正坊坊東為土地祠坊西為集房南為大門又南為轅門額曰憲綱文武東轅

門額曰節制三秦西轅門額曰懷柔西域旗杆四二在轅門內二在轅門外署東為
箭道為歷時局署西為筆帖式二署以國初改為督軍行署最近改為省長辦公處

辛酉二十年春三月賊渠耿飛復亂於慶陽

慶陽所屬地方有賊渠耿飛聞大軍征蜀
唯右兵備空虚噴秦山谷間傳檄至最為

總兵副將等官帝命大將軍公圖海靖逆
侯張勇提督孫思克等即遣遣官兵赴勦

案鎮原志康熙二十二年春賊酋鄧萬才耿飛馬玉等攻破環縣殺知縣羅城鎮原洵權
時縣令宗書預請甯夏玉泉營防兵駐荔家堡涇州營游擊柳生甲聞變率兵趨環縣曲

子鎮提賊率其進退涇州獲全鎮原以
有備無患後大兵會集賊黨皆伏誅

草莽騷曰十九年冬環縣賊糾合鎮原賊作亂知縣宗書請兵駐防為百姓除害者
既歸於未萌况已善耶百姓以增加負擔頗有怨言及亂平則又同聲稱頌故賢有司為

地方辦事實能任勞任
怨久之自有公論在焉

康熙十六年
化撒拉至是復
攻之

唐開元中改
水軍為大斗軍
因大斗拔谷故
名元和志在涼
州西二百里蔚
通志在永昌縣
西南其地蒼莽
影百里亂草蓬
蓬地平如掌宜
畜牧直通青海
其為今之黃城
爾雅無疑黃戎
佛倫請修黃戎
爾雅城不肯放
典主權其慮患
也深乃竟格於
部議惜哉

夏五月西番攻圍撒拉回部衆

西番黃鶴台吉攻圍撒拉殺蘇職莊回民多人土官選
死乘夜入番營殺傷其衆番遁出老鴉關名索添把

白里無復行人靖通侯張勇檄涼州都督
楊惺率河西兵馬至河西番聞風遁歸

案甘肅通志回族中有撒拉爾一種在河州邊外聚族而居分十二工每工領以總掌
教而隸於循化廳清乾隆四十六年二月蘇四十三為爭立新教戕害蘭州府知府楊士
瓊河州副將新村槍擄河州進圍蘭州退屯華林山高宗震
怒於是年四月已卯詔裁去撒拉爾總掌教及掌教名目

癸亥二十一年冬十二月青海臺爾根臺吉請黃成爾灘地方即古大斗拔谷游牧未許

上二月癸丑議政王大臣等會議青海地方屬爾根臺吉之來使賽桑和碩齊等陳奏伊
車臣鄂木布載青台吉在時曾於西甯等處効力有功懇請黃成爾灘地方游牧應不准
行帝曰爾爾根臺吉之父雖邊疆効力有功黃成爾灘乃邊內之地蒙古與民人生計不
同斷不可容其游牧邊內以啓後日釁端今止應酌量獎賞至不宜在內地游牧緣由可
諭彼知之

案康熙三十一年春正月十一日乙丑川陝總督佛倫請修黃城爾舊城上諭軍機大臣
曰黃城爾地方實屬緊要自甘州至西甯道里遙遠若自黃城爾至西甯其路甚近三日
可達令官兵駐防其處有益稱海居住台吉等曾以為此地乃伊等地方懇給還朕親政
時諭輔政諸臣此係大草灘地方於我朝最為要地斷不可給故至今隸我版圖凡遣往

民國十七年夏
廣州守使馬
龍濟光被圍
黃城

兩邊官員復命者狀常詢問地方情勢亦嘗詳聞與國故於邊疆要地無不記憶此處駐防兵丁事關緊要著該管官隨時提督確議具奏嗣以上程其詳遂致游移今則黃城

城已勢

幕幕曰武威縣西南與永昌連界處有黃城兒口即黃城爾灘其路距西

甯甚近至日可達誠要地哉隋大業五年煬帝由西平出大斗拔谷驛即此

地非張羅縣南之扁都兒山口也清初凡涼州往來於青海西甯者事皆由

此而西其險山較羸都口頗平坦佛僧請修營城弗果豈非坐失事機也

耶今甯西汽車路已通至黃城灘矣

平涼與國原提督王進寶募其集

時同原提督移駐平涼平涼命朱七領兵

軍命制將軍張祥者勸歸我軍祥欲於明年燈節作亂及細訪為首利成祥名位素

不深究索乃安先是康熙十四年偽總兵李國梁與破靜寧州盡獲士卒聞本兵黃雲

是為有夏
山教之阿拉
唐今將定
唐今將定

破兵之錄率一人而合城之命得全李提軍有洛門
志誠其詳極授其偽游燧故不誅其寬厚多預此

甲子 於涼州水磨川

變力幹之副據青海有突厥人妻
幹與父兄三分其軍皆為黃台吉妻

合諸部謀大舉為請父達氣黃台吉所禁不敢發然捐納亡命歸附者益衆於是集營於
伏通河邊即又入轉涼州之黃城寨與妻兄祝義相厚曰南有我北有祝義何事不可
會以小利餌諸夷各部咸聽命黃台吉死一逞其志無何疾作入涼州之水磨川

近堵軍吏皆持羊酒類進乃曰杯酒肉俱軍士身上扣來者我何忍食恐不受河漢之
委細之多故不味幾死於水

康川時康熙二十三年也

丙寅 二十五年以何傅為固原提督

傅福建福清人在任七年謀勇兼備嘗登東嶽山以
衛路崎嶇民服跋涉與知州吳秀芳懺然捐廉開墾

李知行者集
橫國之志

西寧額魯特部和羅理上書求牧地詔於甯夏甘州邊外盡界畀之

初元太祖
弟哈布圖

哈爾爾十九世孫拜巴噶斯青海額爾齊汗之兒也初無子育額爾齊汗之子巴延阿希鐵爾
玉什魯巴年後自生子二長鄂齊爾圖漢軍臣汗次阿巴額爾齊汗河西套巴延阿希鐵爾

玉什號達賴烏巴什有子十六居西套者十二其長曰和羅理號巴圖爾額爾齊濟農康
熙十六年噶爾丹以兵襲西套我鄂齊爾圖破其部和羅理逃重近邊至是界以邊外
三十六年和羅理以所部數叛請視四十九旗例編佐領授札薩克封多羅貝勒雍正二
年和羅理子額爾阿寶以功晉多羅郡王次子羅卜羅藏多爾濟農乾隆十五年尙郡主
授多羅額駙三十年以功晉和碩親王四十七年詔世
興阿晉分地當賀蘭山西龍頭山北自為一部不設盟

案阿拉善額魯特部在河套以西東延七百餘里至北京五千里漢北地郡西境及武威
張掖二郡北境地晉為前涼張軌後涼呂光北涼沮渠蒙遜唐屬河西節度使廣德初
陷於西番宋景德中陷於西夏元屬甘肅行中書省明末為額魯特蒙古所據清初借駐
定遠營俗稱山後王爺府以在賀蘭山之後也民國十七年國民軍擬設崑崙縣未果二
十五年日本屢派飛機前赴觀察旋設飛機廠同年十一月
中火第一軍第二十五師師長關麟振率師占領定遠營

戊辰二十七年以丹達禮兵備甯夏
時滿兵駐防大城民心惶惑達禮多方慰諭更詳督
撫劉城一隅安置滿兵勿與民雜處嚴立教條以免

滋累其後滿兵駐甯者六悉如舊制兵民相安皆達禮之力也又兵馬器械需草藉多達
禮備置大夫揆於湖灘不事詩教公費既省而軍馬亦給其他督濬渠工修理文廟皆著

政詳

己巳二十八年以高龍光任涼州道
龍光持身嚴潔察民瘼省風俗以救弊補過興利除
害為任基月之間風行俗化遇大饑發粟賑濟籌畫

調停輓運不煩公私需溢

辛三十年西夷卜吉叛發兵討滅之卜吉叛亂無常發兵討之卜吉西遁總兵官柯杉率李上達等合兵征勦於昌甯湖滅之

西甯有道士謀逆兵備參政劉殿衡擒而誅之殿衡字玉伯鑲白旗人康熙二十九年任西甯兵備參政西甯設鎮之後

兵馬增多糧草供支浩繁民有預徵之苦卒多庚癸之呼殿衡力請糧草正供於秋後輪納留為來年支用遂為章程三十年有道士謀逆者合鎮驛然殿衡擒首惡誅之脅從罔

治全活無斃三十二年甘肅用夫檄河內各衛輓運緜補殿衡陳其不便獨蒙免進

壬三十一年春三月巴圖爾額爾克濟農率屬歸附先是二十九年帝遣兵部郎中格

寺率領西安滿兵全軍總兵官一員領綠旗官兵四千往追巴圖爾額爾克濟農副都統柏天都總兵官馮德昌等率兵出大威口追及巴圖爾額爾克濟農於阿里渾烏素之地

再三諭令遷移巴圖爾額爾克濟農不從旋即遁去格式等隨報將軍將軍分兵為三隊追之至西喇布圖將宿格式等言將乘夜追及誅之次日往追則難及矣將軍不聽次

日追三十餘里第三日至庫克布圖度不能及遂率兵還格式等度巴圖爾額爾克濟農必西去格式往甘州等處地方探視巴圖爾額爾克濟農駐牧

之地至是巴圖爾額爾克濟農等屬下人共二千二百餘日降將軍馬喇提督孫思克上遣官至甯夏令巴圖爾額爾克濟農少攜僕從驛而來沿途酌撥綠旗兵遞送俟朝見

後遣歸尋巴圖爾額爾克濟
農率其子台臺雲木春來朝

是年夏六月遷西甯歸之羅卜藏賽音台吉暫駐甯夏邊外

自甯夏驛送鄂爾多斯白鄂爾多斯送歸

化城附近安插惟喜吉慈都既與巴圖爾額爾克濟農同來降又與羅卜藏額林臣祈齊克等潛謀逃亡欲赴策妄阿喇布坦所隨發官兵追勦至庫勒圖地方收都遠運殺其所屬四十餘人擒獲男婦馬駝

屬四十餘人擒獲男婦馬駝

癸三十二年殷化行爲甯夏鎮總兵

甯夏古用武地兵健勁而亦易犯七化行至嚴賦守中軍令勦其驕塞拔其才俊更定部曲爲分合

法以練士士皆可用製子母礮簡駝馬儲蓄粟以待徵發二十五年隨大將軍費揚古出口征勦至昭磨多力排衆議據西山形勝俄噶爾丹親督隊以死力爭化行率所部發子母礮蜂擁而下刀矛並舉呼聲震天地賊前隊擊我者如壁倒山崩遂大奔潰乘月光追逐三十里擒斬萬餘論功充參贊大臣明年復出口進勦誅噶爾丹降其餘衆加授都督

同知聖祖賜節制深沈匾額至今尙懸甯夏鎮署

案吳鎮松花菴詩話感陽殷公化行由甯夏移鎮臺灣其地有異竹化行作詩記之略云予跡半天下未親登鬱竹仙露滋顏翠遊雲摩頂禿芒刺如爪牙疎葉似篔簹服霜雪雖不彫哀鳴類人哭殷累官至軍門有清遠堂集潘次耕來爲絃至且之威南塘云句如青山裹白雲點點翠微起白髮添新鬢青燈讀舊書皆有風致而巡閱行臺灣得勝篇尤可補

登灣之
缺焉

冬十一月撤蘭州兵駐西安

先是護軍統領蘇丹等奏言甘州涼州在西北陲所植之
是惟麥黍豌豆而已甘州所屬雖略稱稻而不甚多大兵

在甘州糧草不足乞令自京撥駐甘州之大兵暫駐雷夏駐紮蘭州之西安兵暫駐蘭州
其西安兵自督標官兵發回省城西安自兵即皆在蘭州則西安將軍博齊應遣往蘭州

從之

哈密回酋噶勒丹叛詔昭武將軍邱坦駐甘肅

時遣使博羅塔拉赴哈密為噶勒丹
屬所伐上以哈密鄰塞境賊乘虛警

或不及備詔昭武將軍邱坦屯甘肅會軍所擒經頭回卒以噶勒丹徒科布多三遣使乞
糧哈密告郎用請勸噶勒丹及哈密遣護軍統領蘇丹等往議尋奏郎坦議大軍屯甘肅
噶勒丹必不敢越哈密若歸科布多倫噶勒丹山科布多遁大軍歸哈密取禾平城絕準噶爾
勒留兵哈密以大軍進科布多倫噶勒丹山科布多遁大軍歸哈密取禾平城絕準噶爾
所恃產蘇丹等議噶勒丹無定牧大軍糧料布多或不值哈密蘇丹等議三十五年噶勒丹
以體好生仁請釋回卒歸給糧騎檄所部知朝廷德意詔如蘇丹等議三十五年噶勒丹
為大軍敗遁集所私議取糧哈密副都統阿南達設哨布隆吉爾巴里坤塔勒納沁都爾
博勒津諸路值哈密逃爾漢伯克額貝都拉使奉降表至嘉峪關遣告所部曰噶勒丹若
窺爾境其擒獻否則以告儉私給噶勒丹糧騎或助之他邊爾降表不足信矣噶勒丹以
慮哈密故懼襲已且聞大軍嚴備不果赴三十六年哈密俘噶勒丹子色布騰巴勒珠爾

及其屬以獻噶勒丹等自殺

甲三十三年諭令甘肅提鎮補修邊牆

從川陝總督奇倫之請也甘肅自肅州嘉峪關北邊以至常夏賀蘭中思慮俱係土築邊牆自

賀蘭山之勝金關起至賀蘭山盡之平羅營原無邊牆以山為界自平羅營以至延綏地之皇甫川亦係土築邊牆至於甘肅涼州一帶南山原無邊牆俱係剝山塋塋陡崖作界其間陡崖塋塋甚多殘缺又肅甘涼等處南山及甯夏之賀蘭山隘口原有石壘木柵堵塞年久倒塌人可度又西甯鎮之西石峽鎮海西川一帶原有邊牆南山直抵河州北山直抵莊浪原無邊牆皆係剝山界亦有年久倒塌可以極度者或不為修理必致倒塌但工程浩大不能剋期修理奏請漸次修補諭令提鎮及專城之副將游擊等量給步戰守兵工食督其修理各隘口應堵石壘木柵之處亦令提鎮等酌量堵塞其倒塌邊牆沙淤壞塋應令兵丁修挖是年春正月乙丑九卿議照准

乙三十四年秋八月噶爾丹屬下回子塔什蘭和卓等五百許人過三岔河汎

界為肅州總兵官潘育龍所拘留

案靖遠縣志潘育龍字飛天以行伍從征湖廣等處山賊累有功補把總王輔臣既叛吳三桂秦隴地多陷育龍從揚威將軍阿密達擊賊於涇州平涼慶陽甯州時道阻育龍

率數十人北赴陳福軍出紅河川與賊遇轉戰七日夜達甯夏復還報命從撫遠大將軍圖海討王輔臣奪城北虎山墩輔臣降康熙十七年從總兵王好問敗賊於牛頭山明年克梁河關復興安從總督哈占攻四川復大竹渠縣遂進至雲南定曲端累進至贛州副將遷總兵在鎮八年擊走西海阿奇羅卜藏數出師擊噶爾丹戰殊力有功移鎮天津擢陝西提督聖祖之西巡也閱兵射謂大學士馬齊曰朕巡視天下兵皆無如潘有龍所部者乃加有龍一級諭褒之授鎮綏將軍提督如故

噶爾丹兼并新疆回部西甯青海頭末

厄魯特亦蒙古也元之亡蒙古分為三大部漠南蒙古漠北喀爾喀蒙古皆成吉思汗之裔惟居西域者非元太祖後出脫歡太師及也先瓦剌可汗之裔是為厄魯特四衛拉蒙古順治中吞噶西北日漸強大初厄魯特四衛拉部曰緯羅斯牧伊犁曰都爾伯特牧額爾齊斯曰土爾扈特牧雅爾和碩特牧烏魯木齊和碩特固汗於明末襲據青海又以兵入藏滅藏巴汗而有喀木之地緯羅斯特則據伊犁兼烏旁部與噶爾喀鄰勢俱張其康熙中緯羅特渾台吉死子僧格立僧格死子索諾木阿拉布坦立僧格弟噶爾丹殺之自立為準爾噶汗旋取青海和碩特車臣汗女而襲殺車臣汗兼有四衛拉特復南播回部城郭諸國盡下之威令至衛藏則又思北并喀爾喀乃自伊犁東徙張阿爾泰山并使杜爾伯特部衆屯田且耕且牧以特其食會喀爾喀土謝圖汗執殺札薩克圖汗而奪其妾三部內闕清遣使偕西藏達賴之使和解三部噶爾丹使族人多爾濟札布隨而覘之故使嫖罵土謝圖汗以激其怒土謝圖汗果執殺之噶爾丹遂藉報復揚言借俄羅兵且至喀爾喀探無其事守備懈弛噶爾丹言之不已喀爾喀益不信噶爾丹潛遣刺麻干

人游牧其地喀爾喀亦不以爲意二十七年夏噶爾丹領勒騎三萬逾杭愛山突據其帳
 游牧刺麻從中應之十謝圖汗倉卒潰遁其子噶爾丹台吉拒戰大敗而國東走噶爾丹
 復擾喀爾喀并擊破其隣部右翼車臣汗左翼札薩克圖汗又劫其大刺麻哲卜尊丹巴
 胡圖克圖之帳於是十謝圖等二汗部落數十萬盡棄牲畜帳幕分路東奔於九月投漠
 南乞降清噶爾丹遂兼有回部青海漠北諸部地噶爾丹既升回部青海漠北益驕自
 恣踞喀爾喀王庭徵諸國屬控弦之士數十萬康熙二十九年以追喀爾喀爲名乘銳東
 犯五月侵及烏爾會河清尙書阿爾尼以蒙古兵來擊令喀爾喀奪還所掠牲畜喀爾喀
 貪利爭取陣遂亂而爲厄魯特兵所敗乘勝東趨內札薩克蒙古地方六月清安北大將
 軍恭親王常甯出喜峯口噶爾丹與戰敗其兵遂乘勝長驅而南深入烏爾布道距京師
 七百里清康王傑書等屯歸化城要噶爾丹歸路八月朔與清撫遠大將軍裕祿王福全
 軍相遇於烏爾布通噶爾丹遣使於清軍中言追喀爾喀仇人闌入中國况界非敢妄行
 請執土謝圖汗及其弟哲卜尊丹大刺麻以昇翌日大戰於烏爾布噶爾丹騎數萬陣山
 下依林阻水以萬駝縛足臥地背加箱礫蒙以溼氈環柵士卒於隙發矢銃備鈎距謂
 之駝城清師隔河而陣以火器爲前列遙攻噶爾丹中堅聲動天地自晡至暮駝斃於敵
 顏且仆陣斷爲二清步騎爭先來陷陣其左翼兵繞山橫擊噶爾丹之壘遂爲所破乃乘
 夜走保高險翌日遣西藏刺麻濟隆於清軍卑辭乞和不俟報即拔營由克什克騰部之
 什拉穆楞河載木橫渡大磧山脊遁所過皆燒荒以絕追騎越數日清師輕騎來追已不
 及噶爾丹中途遣使獻書於清頂威靈佛誓不犯邊并具疏謝罪科耳沁上謝圖汗親王
 謀聽留噶爾丹而噶爾丹行不止且盡失負駝無輜重奔絕漠而北沿途饑蹙死亡得還
 科布多者僅數千人三十一年五月噶爾丹遣使至歸化城聲言入貢清男婦接踵往者

內亂既平征服四夷時代 清聖祖

關州俊華印書館出版

幾二千清遣兵過之且責還所使三十三年清約噶爾丹往會盟不報而遣兵侵掠喀爾喀益其屢書索上謝圖汗及舊卜尊丹人刺麻益急且殺清使臣而陰遣使誘內蒙古各部叛清以歸已科爾沁十謝圖親王等以聞於清聖祖欲誘噶爾丹往一戰置之二十四年噶爾丹率騎二萬入寇沿克魯倫河而下侵掠至巴顏烏蘭自秋徂冬蹕之不去亦不犯漠南明年春聖祖親征又明年清大將軍費揚古等兩路出兵來討噶爾丹子塞卜騰巴珠徵糧哈密為同人擒獻所獲薩克呼里之地野獸已盡左右親信數合吉亦面慰聞清兵將至先後望風相降密嚮導清兵深入又策妄那布坦擁勁兵伏阿爾泰山將擒獻功噶爾丹進退無地不知所為計每夕或數驚所至處頻逢怪異烈風淫雨隨之自知人畔天亡旦夕必就俘遂仰藥死策妄那布坦以噶爾丹尸及妻子女獻於清所部盡降

丙子 三十五年撫遠大將軍費揚古由西路勦噶爾丹上命博靈統滿州兵自甯

夏往會大敗噶爾丹於昭莫多 先是康熙三十四年噶爾丹率騎三萬入寇沿克魯倫河而下侵掠至巴顏烏蘭自秋徂冬蹕之不去亦

不犯漠南帝遣使來激之噶爾丹令使者徒步歸且大言借俄羅斯烏鎗六萬將大舉內犯蓋以前敗由火器不如中國故伴借西洋火器以張軍勢俄羅斯并無意相助且噶爾丹懲前敗亦未敢深入也明年春帝帥師親征軍行瀚海泉溢葛生五月遂由料圖來逼噶爾丹登北孟納門山望見御營大驚拔營宵遁翌日王師至河則北岸已無一帳帝又率前鋒來追三日至拖諾山不及而還噶爾丹奔馳五晝夜途中欲拒戰於拖諾山而衆奔不能止沿途遺老弱輜重及漿渾脫無算適遇我西路師邀之於昭莫多蒙古語大樹

林也即明成祖破阿魯台地在肯特嶺之南上臘河之北汗山之東平曠饒水草同望大
纘千仞如屏為自古漠北戰場時噶爾丹軍至者僅萬然皆百戰之衆我將軍孫思克以
綠旗兵據山頂噶爾丹爭山頂鋒其銳我兵據險俯擊弩銃迭發藤牌繼之每進則以拒
馬木列前自罔噶爾丹冒矢銃鏖鬪至暮不返人人如怒虎林木皆震我大將軍費揚古
率騎一橫衝入陣一襲陣後轡重山上軍奮呼夾擊噶爾丹始潰敗夜奔三十餘里死降
者數千人失馬駝牛羊廬帳器械無算噶爾丹有可致阿奴可敦者準部稱其汗之妃也
願督敢戰披銅甲佩弓矢騎異獸似駝非駝精銳
悉隸麾下至是亦為敵所斃噶爾丹以數一騎遁

免甘肅沿邊及陝西榆林等處各州縣衛所明年應納錢糧

先是康熙二十一年上
聞噶爾丹劫掠糧
根濟農巴圖爾額爾克濟農向青海而去即令川陝督標綠旗兵甯夏鎮標兵俱於甯夏
備噶爾丹比年以來遣派大兵分道進剿軍興供億不待已而煩民力甘肅所屬各州縣
衛所及榆林等處沿邊各州縣衛所實當節行要道畏養軍前需用馬匹並大失往來經
過各項措辦難俱支給正額錢糧而供億繁多閭閻勞苦至是上諭戶部曰著將康熙三
十五年甘肅巡撫所屬州縣衛所陝西巡撫所屬榆林等沿邊州縣衛所地丁銀
米盡行蠲免行文各該撫備知曉諭務俾小民均沾實惠稱朕體恤黎元至意

哈密番內附

哈密番一旗在嘉峪關西北一千六百里古伊吾地後漢永平中征匈奴
取其地置百禾都尉後復為匈奴所得隋始遣伊吾郡唐置伊州領伊吾納
職柔遠三縣五代時號胡盧磧元末封族子納忽禮於此明為土魯番所據至是內附設
哈密廳隸甘肅其城周四里城四五里哈密回城其王曰伊薩克所轄回城六曰哈密曰

內亂既平征服四夷時代 濟寧祖 關州後華印書館出版

素本哈爾灰曰阿思他納曰托
哈奇曰拉珠楚克曰哈拉托巴

命理藩院自獨石口至甯夏設驛以待噶爾丹之投降

先是紳羅斯酋長噶爾丹
篡立自稱準噶爾汗并吞

四衛拉特及新疆南部回疆城郭諸國東侵略喀爾喀土謝圖汗部破土謝圖汗及車臣
汗札薩克圖汗兵略據外蒙古復南侵內蒙古國家遣兵拒戰於烏薩布通大破其兵噶
爾丹欲西歸伊犁則畏策安那布坦之逼欲南投烏斯藏則道遠不能至欲北赴俄羅斯
而俄羅斯拒不受聞翁金河有公家餘糧運回甯夏遣兵掠之為王師所敗欲降時帝駐
蹕俄而多斯乃遣使往探中國意方其遣使也授以書歎息曰天下人果不相同中國皇
帝神靈奇異聞其行軍所至泉湧於沙草生於磧冰泮於河是天助彼也今我所屬之人
已皆往屬之是人助彼也爾往其所觀其侍從大臣行止若何歸日議之泣下使者至俄
爾多斯瞻親感服密輸情於扈從諸大臣帝聞而憐之命理藩院自獨石口至甯夏設驛
以待而噶爾丹
掘強卒不往

丁丑三十六年春正月命鄂海先赴甯夏儲備糧秣牲畜

前既陣斬噶爾丹之妻阿
奴喀屯是年正月阿南達

自肅州奏報哈密回人生擒其子塞卜騰巴爾珠爾噶爾丹在薩克薩特呼里克之南格
隔特喀朗古特地方衆僅數百人勢處窮迫上擬乘此時機速行勦滅並擬親征由山西
渡河歷陝西延安府甘肅慶陽府以至甯夏惟邊界地多不毛間或無水至靈州所屬早
海等沙磧地方運糧尤苦自古以來所謂難以用兵者此也上遣鄂海前往甯夏詳察行

民國二十五年冬
中央派員赴
生中派員赴
甯夏備極艱
奮又遣員往
州探買大米
濟聖祖之任
噴爾丹情勢
相同

道水草豫備馬駝糧糗等物又遣員往甘州採買米糧命侍衛內大臣馬思喀為副武將軍往甯夏

案早海即洪皓松漠紀所謂沙子也沙子者蓋不毛之地皆平沙廣漠風起揚塵不至能辨色或平地頃刻為數尺絕無水泉人多渴死故後五代史謂為旱海又中衛縣所屬之沙坡黃沙口思王坑西沙皆皆此類也

三月上自甯夏橫城渡黃河駐蹕河崖遺大學士伊桑阿祭黃河之神時三月初九丙子日也

駕至甯夏遣官祭賀蘭山之神

慕壽祺曰聖人之於祭祀非必神之也善亦附之教焉事於天地示有尊也不肅則無以教敬事於宗廟示廣孝也不肅則無以教愛事於有功烈者示報德也不肅則無以勸善凡肅之道自法制始家祭之禮雖非國家法制所規定而人之生無不本乎祖故報本反始之心凡有血氣者之所不能無聖人因其所不能無者制為典禮所以致其精誠篤其恩愛朱子曰凡祭主於愛敬之誠而已先儒論祭祀只是要集自家精神自家要有便有要無便無祖考精神便是自家精神祭先祖如是祭外神亦如是

遣皇子與大臣致祭前勇略將軍趙良棟帝在榆林聞良棟卒諭閣臣曰勇略將軍趙良棟係男子也為國家實力厥功甚茂

候以疾逝朕甚憫焉茲師抵朔方道經其門可
令皇子親臨奠醊又遣大臣致祭賜謚哀忠
慕壽祺曰趙良棟西北之奇男子也論其功足以配享太廟當夫橫戈開邊仗劍討叛死
上食息之不顧及其死也一棺戰身萬事都已悲夫而身死之後帝命皇子親臨奠醊又
遣大臣致祭亦足輝映九泉矣

上注重甯夏農事

將出師征噶爾丹也上諭大學士曰自古帝王巡狩凡所過地方前
代帝王陵寢先賢墳墓及名山大川皆詳察具奏應致祭者祭之上至甯夏

功勇略將軍之
太廟此昭向未
經人遺通
趙襄忠克漢不
以一騎入城馬
援曹彬胡以加
茲而權貴構陷
幾至於禍功高
而猶能自全者
幸遭明主耳不
然者殆矣

沿途所經其有古帝王陵寢先賢墳墓及名山大川皆詳察具奏應致祭者祭之上至甯夏
餘里直抵甯夏所以勤求民隱至殷且切朔方資大河之灌注疏渠溉田宜於稼穡當茲
春氣暢遂正三農盡力南畝之時誠恐有司官員不體朕懷因車駕經臨調遣師旅借辭
供億擾累小民東作有妨西成奚望今一切軍需器械俱備足用至慮從簡約馬悉放牧
並不以供辦草豆動煩民力爾可傳諭有司勿備端科派違者治罪務使地方百姓各安
本業無廢市隴不輟耕以高朕親耕遺囑恤民隱之至意御製碑文曰諭甯夏文武
官員兵民人等朕體天育物日以治安為念雖身在宮庭而心恆以農為本積貯者殷阜
之原爾官吏宜勤勸父老子弟三時力田以盡地利比屋勤勞以裕蓄藏縱使歲偶不登
亦可無憂既乏若夫秦風健勇自昔為然其在朔方尤勝他郡爾等或職居將領或身隸
戎行尚各厲精銳以効干城禦侮之用斯國家有厚賴焉至於忠信慈惠服官之長軌孝
弟齒讓生人之大經法紀不可不明禮教不可不肅勿以地處邊陲而不治以經術勿以
習尚氣力而不澤以詩書總期上率下從庶幾馴臻雅化茲乘輿返蹕距靈朔雖遠而瞻
念塞垣如在几席爾等誠能敬體朕言將吏協恭兵民咸理生聚日益厚風俗則日益淳

疆闢實有攸裨朕心亦用深慰慎勿視為具文率朝廷捲捲騰導之意欽哉遂自甯夏出師往白塔狼居胥山駕出宮闈八旗給手綠旗兵起行至布占圖地方撫遠大將軍烏揚古奏報噶爾丹窮寇自歸上率文武官員拜天畢御行宮行禮乃班師

案黃帝以前之漢族由帕米爾高原遷入內地休養生息若干年經過漁獵

時代以捕魚為業入於狩獵時代以獵野獸為業再入於牧畜時代以養家畜為業最後進入農業

時代以種五穀為業甯夏逼近蒙古漢族文化程度不及隴東南而農事亦落人後

仁皇帝筆路所經故留心至此

幕壽祺曰甯夏地濱大河沃土不材書不云乎惰農自安不服田畝越其罔有黍稷清帝力為提倡意深哉舜耕於歷山伊尹耕於莘野聖天子賢宰相其力田如此西北以農為本自古為然矣後世以文學明道其弊至於救麥不分豈止不知稼穡艱難哉

遣使招撫青海

準爾噶族遊牧阿爾台噶爾丹之父巴圖爾琿喜吉死子僧格嗣為準爾噶長其貢用兄車臣卓特巴巴圖爾以爭屬產與僧格有隙劫殺之噶

爾丹為僧格同母弟歸自唐古特執車臣殺之卓特巴巴圖爾奔青海至是噶爾丹遣使招撫青海時卓特巴巴圖爾卒子色布騰札勒幼不獲從利碩特諸喜吉至四十二年來朝封多羅貝勒雍正元年羅卜藏丹津魯之叛不從陰遣使告復以開諭逆黨悔罪內附功晉封多羅郡王亂定王大臣議勿令隸和碩特族允之

夏五月上還京師

案東華錄康熙三十年五月二十二月上統六師親征噶爾丹命振武將軍孫思克率陝甘兵出甯夏西邀其歸路二十六年春二月上幸甯夏二月辛未駐蹕花馬池癸酉上駐蹕興武營勅振武將軍孫思克速回甘州進勦內子自橫城渡河丁丑上駐蹕甯夏察卹昭莫多翁金陣亡弁兵閏二月丙午上駐蹕黃河西岸白塔已酉上駐蹕黃河西船站親視八旗前鋒黑龍江兵夏四月六將軍伯費揚古奏噶爾丹已伏天誅五月乙未上還京師

冬十月令哈密部長額貝杜拉達爾漢白克子郭帕白克率回子一百人住紫

肅州

凡朝覲往來俱自肅州乘驛使聲息長通

十一月定邊號舉額

甘肅五學士子自清初設科以來從未中式一人至是巡撫哈拜請將甘涼等十學每遇秋闈另編字號取中帝從之

慕壽祺曰清初陝甘合闈甘肅七十餘縣每科規定舉額十八名副榜六名邊遠士子欲小捷鄉書難矣光緒元年陝甘總督左宗棠奏請陝甘分闈幸沐允從是年乙亥恩科甘肅開闈舉額規定四十二名此四十二名之中新疆占一名甯夏涼州莊浪駐防旗人占二名肅高安敦五占一名甯夏占一名回生占一名副榜額數照舊

己辛 四十年春正月青海厄魯特台吉戴青和碩齊察罕丹津率屬歸附帝封為多羅貝勒

夏四月以齊世武巡撫甘肅齊世武滿州人康熙四十年巡撫甘肅綱紀嚴明勤求民

別陳茶變價之弊清查舊欠地墾糧四萬餘石並河北新疆奸民隱占田地八百里按政起科以為荒政之備

未癸 四十二年青海蒙古內附

春二月岷州衝崇隆寺等五寺番僧進貢

案岷州番僧寺院共四處一曰東寺即大崇教寺每歲四月初八日起至十五日止一曰西寺即廣福寺每歲正月十六日一曰法藏寺每歲六月初一日起至初六日止一曰圓

覺寺每歲六月十二日起至十四日止均許民間拜佛賽會崇隆寺之名已不可攷矣

子戊 四十七年西固番叛文縣守備程梓率所部赴援殲賊甚衆

巳四十八年春三月甯夏水利同知王全臣上巡撫言渠務書

秋番賊犯西固所守備韓國元千總洪章皆戰死番夷犯境搶掠邊民國元身先士卒與賊戰殺數十人力竭遇害章

亦督率鄉民奮勇擊賊鄉民潘章死之

九月涼州西甯固原甯夏等處地震

貴州巡撫劉蔭樞奉命馳赴巴里坤行視軍營事詳東華錄及先正事略

庚寅四十九年永革蘭州表箋奏銷雜項銀兩知州事王國華軫念民艱將雜項銀兩一概蠲除

附錄王公德政碑其略曰蘭州當五郡之衝號稱繁會然割王衛兩籍之人士而隸於州僅六里紬繡三千石下不及四之一焉且其地多旱大河以北風高十亢十年中常不能

一二豐樂窮可知也自我皇朝極以來軫念邊氓慎擇牧守凡吏此土者皆以撫字為先其不急之徵非時之供奉無有也然自常額外如表箋奏銷雜項所派亦無幾且歷年

既久民安之如正供焉王公自下車以來釐剔奸弊分毫不便於民者悉去之康熙四十九年奏請奏銷陋弊一概蠲除原書甚長錄於附編

辛卯五十年以田承瑞為臨洮驛傳道承瑞政尚簡穆後二年甘肅歲苦荒款博採輿論凡近河之地相度形勢徧給翻車廣資瀧漑城西

五十里石佛灣有渠久淤捐金開之費險口萬未幾遂微有事
軍興旁午遂暫停止以再俟舉五十六年遷浙江金衢嚴道

乙未 五十四年夏四月策妄阿喇布坦侵哈密肅州總兵路振聲救之甘肅督提師懿德將

甘肅兵丁俱調出口復調涼州兵一半至甘肅要隘防守振聲既逐策妄阿喇布坦因駐防哈密明年帝以策妄阿喇布坦侵掠哈密救西安將軍席柱甘肅提督師懿德等領兵

援勦命富甯安率倫衛等前往總統調度議之日朕以爾甚信自故命爾前往軍機大事毋遲緩爾至彼有急應調遣之事不必請旨即與將軍席柱商酌而行時賊兵二千餘逼

哈密城駐防哈密游擊潘至善率緣旗兵二百營暫駐城內九十一人生擒二人賊解圍潰走五月富甯安至甘州同席柱奏言吐魯番與哈密接壤係準噶爾咽喉要地當先取之大

兵秣馬五旬應齊赴巴里坤從哈密之北大山涉烏蘭烏蘇路進兵闢震越山取吐魯番相機進剿上命富甯安至巴里坤擇水草佳處駐兵俟明年前進尋詔還駐肅州經理糧

馬五十五年奏言自嘉峪關運糧至哈密應設十二台

以趙世錫為西甯兵備副使會車噶爾亂黨侵據西藏日肆屠戮上詔平逆將軍延信

督饟不缺而給直寬裕民力遂行雍正元年青海蒙古親王羅卜藏丹津等謀叛沿邊喇嘛番人亦相勾連窺伺世錫躬率民兵內運軍糧外禦強寇日以繼夜時回民有入青海

為賊者其親族在西甯城內將欲盡誅之世錫以身家保護全活者衆

內亂既平征服四夷時代 清聖祖

蘭州俊華印書館出版

丁酉五十六年秋八月豫備西征噶爾丹帝以準噶爾策妄阿喇布坦征西藏恐其侵

糧餉西甯總兵官王以謙侍讀學士查禮輝等在松潘預備提督康泰主事巴特麻等時密遣人往青海地方偵探消息各相機而行

案聖武紀準噶爾者蒙古厄魯特之支派也其地氣暖俗亦耕種三月初馬即放青康熙中其酋噶爾丹者先有兄曰僧哥生子曰策妄阿喇布坦年尚幼而僧哥死噶爾丹因納其嫂為妻生一女漸長與策妄不睦策妄率數百人遠遁伊里河及噶爾丹謀叛策妄讎其妹潛來首告噶爾丹死策妄承襲代領其衆策妄死其子策凌殺其母妹及異母弟大娃初策凌父子負其險遠不奉教化款貢其地守固敵又見六師臨邊大張天討賊大恐其下之叛而來歸者踵相接天子憫其愚頑乃使少司馬傅公謙學士阿公克敦都統羅公米乘傳以往曉之以大義則歡聲如雷其婦子膜拜而迎

命撫遠大將軍允禩帥兵赴西甯先是康熙三十九年唐古特拉藏汗襲殺弟巴與青海蒙古爭立達賴喇嘛各執一是互訐奏未定適報

準部兵侵青海掠駝馬詔西安兵會青海左翼四川兵會青海右翼嚴備並集諸臺吉定盟而策妄那布坦兵已襲西藏察罕丹津謀誘其兵至青海迎擊之賊不敢至至是命皇十四子允禩統兵西甯集青海左右翼王公臺吉官諭各率所部送襄塘達賴喇嘛入藏

戊五十七年大兵征策妄阿喇布坦撫遠大將軍貝子允禩等率兵分駐西甯

甘州莊浪豫備進勦

鄂海奏撥西安藩庫銀四十萬兩解赴甘省協濟糧芻又奏撥平涼羣昌甯夏貯倉米豆十萬石連赴蘭州充餉

西藏遣使求救

上令西甯松潘等處各預備兵馬並土司楊如松屬下兵丁一同前往青海王台吉等派兵六千又令侍衛色楞額侍讀學士香永輝在西甯滿洲旗

兵內各選二百名及土司之兵一千帶至青海地方會同青海王台吉等商酌行事五月

十三日侍衛色楞額統兵二千餘至穆魯斯烏蘇欲入藏擊準噶爾六月十八日總督額倫

特統兵二千有餘亦自穆魯斯烏蘇起程至圖爾哈圖造皮船渡七又河色楞由拜圖

路額倫特由庫之審路進兵七月十七日遇厄魯特兵四千額倫特大破厄魯特兵於齊

諾郭爾追擊十餘里七月二十日色楞額至喀喇烏蘇連敗賊衆追擊二十里斬三百餘級

二將俱會柏特月餘欠盡額倫持犒力戰歿於陣九月命都統阿爾納總兵官李耀等帥

師駐防噶

斯柴達木

青海貝勒戴青和碩齊察罕丹津等來朝封爲多羅郡王

夏五月臨洮鞏昌秦州平涼慶陽甯夏等處地震

時五月二十一日也惟通渭災最重公署民舍城郭盡覆益以知縣

黃維屏連糧嘉略關市將竣回至涼州始知通渭縣地大震城郭廬舍陷入地底殺男女

數萬口孫典史家無噍類知縣眷屬數十口祇長子珣暨一幼女存焉維屏聞報馳歸遺

黎郊迎相對大慟遂至壓所哭之閱日地又震奸民將爲亂繩之以法民稍定郊外創立

草舍聊辦公事後移縣治於馬營至乾隆十三年冬十月三十二日通渭縣城始告落成

冬十月議出兵大征準噶爾 命護軍統領吳世巴委屬護軍統領噶爾弼帶領第一起兵於十一月十五日

寶色帶領第二起兵於十一月二十九日起程駐紮甘州皇十四子固子貝子撫遠大將軍允禩帶領第三起兵於十二月十二日起程駐紮西甯各於駐紮處喂養馬匹

西甯報招民開懇荒地 先是康熙四十三年西甯四驛牛夫首報懇荒一十六頃六十一畝額外清丈自首地一十二頃九十三畝至是又報開懇荒

地八頃三十九畝

己亥五十八年秋九月以在西甯之胡必爾汗封為達賴喇嘛給與策印 於明年青草發生時

送往藏地令登達賴喇嘛之座是時策零敦多卜等及土伯特眾喇嘛民人俱言在西甯之新胡必爾汗實係達賴喇嘛之胡必爾汗求安置於達賴喇嘛禪榻上座廣施法教故有此議六十年五月令大將軍允禩領西甯所有之兵赴甘州駐紮辦理西路調遣之事以理藩院額外侍郎常綬駐紮西甯辦事

西甯鎮總兵王以謙奏請標營增添火器步兵一千名 從之自火器與而弓矢已無用矣

庚子五十九年秋八月達賴喇嘛由西甯塔兒寺至藏地 先是清室定鼎第五輩達賴喇嘛入覲頒給達賴喇

嘛册寶固始汗子孫拉藏汗方印一顆管理唐古特地方事務後被準噶爾澤旺阿拉布坦妄生事端遣車令敦多布率領人眾滅壞達賴喇嘛教折毀寺廟屠戮生靈侵據西藏

地方將拉藏汗之印奪與附逆之達則磧巴掌理亦呼為汗道。賴喇嘛轉生裏塘移駐西甯塔兒寺後帝命撫遠大將軍王平逆將軍延信率甯統領陝西滿漢官兵護送達賴喇嘛自塔兒寺起程進藏征討。又命定西將軍噶爾弼等統領荆州滿兵四川綠旗官兵由巴裏二塘一路招撫進藏。又命副都統伍格帶江滿兵至滇會合雲南鶴麗總兵官趙坤援勦副將郝玉麟等官兵由中甸一路進藏。準爾賊衆聞我軍遠至心膽墮地遁回巢穴。西藏各酋長咸凜天威分逆師旅俱於十九年八月抵藏。九月初六日送達賴喇嘛上布達拉山大殿坐牀重興法教。藏人始有威信。賴喇嘛附逆之達則磧巴等正法。議留川滇官兵鎮守兩路將軍等奉赴川京。

丑辛 六十年五月命鄂海辦理軍餉糧餉而以四川巡撫年羹堯代為川陝總督

十月羹堯疏言遵旨至甘州料理糧餉甘州等處山多田少所產糧草有限宜豫為籌備請於河南湖廣運至陝西糧餉內撥米六萬石豌豆四萬石半於甘州半於涼州從之

駐紮西藏額駙阿寶請發兵治郭羅克部首惡 青海索羅木地方之西有郭羅克部落唐古詩等肆行劫掠往來行人曾

將駐紮索羅木兵馬盜竊而去郭羅克地方與多隆汗地方相近其部落各寨有隘口三處俱屬險峻利用步卒不宜騎兵若多調官兵恐口外傳聞使賊得為備川陝總督年羹堯因建以番攻番之策量遣官兵帶領較為便宜郭羅克附近之地如雜谷等七司土目亦皆恨其肆惡願出兵助剿今可遣有約會雜谷土司等及時進討遲則恐天寒雨雪凍阻難行令提督岳鍾奇赴松藩領鎮兵出口前進番賊伏兵千餘突出對敵我上兵連敗之過河攻破下郭羅克中郭羅克上郭羅克等數十寨誅其首惡餘俱降服

內亂既平征服四夷時代 清聖祖

蘭州俊華印書館出版

寅壬

六十年

是歲明系始絕

除蔣洄為涼莊道

洞寬厚大度靜淵有謀為政尙大體厭煩屑其剛愎之氣所及往往法不加而人知畏雍

正元年逆番作亂洄散家財以練兵勇得二千五百人塞其隘出偏師以擣之比官軍至賊已獲敗不支論者以為全郡捍蔽陞山西布政使士民祖餞至數百里

案順治十七年殘明永曆帝被殺明地盡亡矣然監國以海尙栖遲海外依鄭經以居諸遺臣多從之者惟經不奉以監國號等寓公康熙壬寅以海病歿甲辰前兵部尙書張

煌言散其軍明系遂絕

又案清史聖祖仁皇帝諱玄燁順治十一年孝康皇后生十八年正月即位改元康熙帝生皇子三十五人長固貝子品級介福康熙四十七年革爵監禁次和碩理密親王允禔

孝誠仁皇后生十四年立為太子後廢次年復立五十二年復廢雍正二年死於幽禁三多羅允郡王允禛四胤禛孝恭皇后生是為世宗五和碩恆溫親王允禛六允禛早薨無

無嗣七和淳度親王允祐八和碩廣親王允禩雍正四年革爵監禁賜名阿其那九固山貝子允禧雍正四年革爵監禁賜名塞思黑以滿文翻譯塞思黑阿其那豚犬耳十固山

貝子品級允禩雍正四年革爵監禁十一允禔早薨十二和碩履懿親王允禩十三和怡賢親王允禛十四多羅恆勤郡王允禔十五允禔早薨十六和碩履懿親王允禩十七允禔早薨十八允禔早薨十九允禔早薨二十允禔早薨二十一允禔早薨二十二允禔早薨二十三允禔早薨二十四允禔早薨二十五允禔早薨

碩莊恪親王允祿十七和碩果毅親王允禔十八允禔早薨十九允禔早薨二十允禔早薨二十一允禔早薨二十二允禔早薨二十三允禔早薨二十四允禔早薨二十五允禔早薨

十四和碩誠親王允祕其餘皇子幼齡薨者不以齒序康熙末年諸皇子覬覦大位樹黨相爭帝鬱鬱不樂有廷居中調和六十年帝年六十八行獵海苑有疾即時駕回暢春

廿
園未幾崩尙書隆科多傳遺詔以皇四子嗣位是
爲世宗年已四十有四隆科多者雍正之舅也

內亂既平征伐四夷時代 清聖祖

蘭州浚華印書館出版

大清高宗純皇帝實錄卷一百一十五

五十一

甘肅青史略卷十七終

